

金剛頂一切
如來真實攝
大乘現証大
教王經

佚名

文碩閣

wenshuoge.com

目录

关于我们	3
三卷本	5
金刚顶一切如来真实摄大乘现证大教王经卷上	6
金刚顶一切如来真实摄大乘现证大教王经卷中	18
金刚顶一切如来真实摄大乘现证大教王经卷下	32
二卷本	51
金刚顶一切如来真实摄大乘现证大教王经卷上	52
金刚顶一切如来真实摄大乘现证大教王经卷下	79

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

三卷本

金刚顶一切如来真实摄大乘现证大教王经卷上

开府仪同三司特进试鸿胪卿肃国公食邑三千户赐紫赠司空谥大鉴正号大广智大兴善寺三藏沙门不空奉 诏译

金刚界大曼荼罗广大仪轨品之一

如是我闻。一时婆伽梵。成就一切如来金刚加持殊胜三昧耶智。得一切如来宝冠三界法王灌顶。证一切如来一切智智瑜伽自在。能作一切如来一切印平等种种事业。于无尽无余一切有情界。一切意愿作业皆悉成就大悲毗卢遮那。常恒住三世。一切身口心金刚如来。一切如来游戏处。住阿迦尼吒天王宫中大摩尼殿。种种间错。铃铎缦幡微风摇激。珠鬘瓔珞半满月等。而为庄严。与九十俱胝菩萨众俱。所谓。金刚手菩萨摩訶萨。圣观自在菩萨摩訶萨。曼殊室利童真菩萨摩訶萨。虚空藏菩萨摩訶萨。金刚拳菩萨摩訶萨。才发心转法轮菩萨摩訶萨。虚空库菩萨摩訶萨。摧一切魔力菩萨摩訶萨。如是等菩萨。而为上首。与恒河沙等数如来。犹如胡麻示现。满于阎浮提。于阿迦尼吒天亦复如是。彼无量数如来身。从一一身。现无量阿僧祇佛刹。于彼佛刹。还说此法理趣。时婆伽梵大毗卢遮那如来。常住一切虚空。一切如来身口心金刚。一切如来互相涉入。一切金刚界觉悟智萨埵。一切虚空界微尘金刚。加持所生智藏。一切如来无边故。大金刚智灌顶宝。一切虚空舒遍真如智。为现证三菩提。一切如来自身。性清净故。自性清净一切法。遍一切虚空。能现一切色智。尽无余。调伏有情界行最胜。一切如来不空。作教令故。一切平等无上巧智。一切如来大菩提坚固萨埵。一切如来钩召三昧耶。一切如来随染智自在。一切如来善哉。一切如来灌顶宝。一切如来日轮圆光。一切如来思惟王摩尼宝幢。一切如来大笑。一切如来大清净法。一切如来般若智。一切如来轮。一切如来秘密语。一切如来不空种种事业。一切如来大精进妙坚固甲冑。一切如来遍守护金刚药叉。一切如来身口心金刚印智。

普贤妙不空 摩罗极喜主

空藏大妙光 宝幢大微笑

能观大自在 曼殊一切坛

无言种种业 精进怒坚持

金刚钩箭喜 宝日幢幡笑

莲剑妙轮语 羯磨甲怖持

无始无终寂 暴怒大安忍

药叉罗刹勇 威猛大富贵

邬摩天世主 毗纽胜大寂

世护虚空地 三世及三界

大种善人益 诸设缚祖父

流转涅槃常 正流转大觉

觉清净大乘 三有常恒者

降三世食乐 主宰诸能调

坚主妙地胜 智彼岸理趣

解脱觉有情 行一切如来

觉利益佛心 诸菩提无上

遍照最胜王 自然总持念

大萨埵大印 等持佛作业

一切佛为身 萨埵常益觉

大根本大黑 大染欲大乐

大方便大胜 诸胜宫自在

婆伽梵大菩提心普贤大菩萨。住一切如来心。时一切如来。满此佛世界。犹如胡麻。

尔时一切如来云集。于一切义成就菩萨摩訶萨坐菩提场。往诣示现受用身。咸作是言。善男子云何证无上正等觉菩提。不知一切如来真实忍诸苦行。时一切义成就菩萨摩訶萨。由一切如来警觉。即从阿娑颇娜伽三摩地起。礼一切如来。白言。世尊如来教示我。云何修行。云何是真实。如是说已。一切如来异口同音。告彼菩萨言

。善男子当住观察自三摩地。以自性成就真言。自恣而诵。

唵质多钵啰(二合)底(丁以反)微腾迦噜弭

时菩萨。白一切如来言。世尊如来我遍知己。我见自心形如月轮。一切如来咸告言。善男子心自性光明。犹如遍修功用。随作随获。亦如素衣染色。随染随成。时一切如来。为令自性光明心智丰盛故。复敕彼菩萨言。

唵菩提质多亩怛波娜夜弭

以此性成就真言。令发菩提心。时彼菩萨。复从一切如来承旨。发菩提心已。作是言。如彼月轮形。我亦如月轮形见。一切如来告言。汝已发一切如来普贤心。获得齐等金刚坚固善住此一切如来普贤发心。于自心月轮。思惟金刚形。以此真言。

唵底瑟姤(二合)嚩日啰(二合)

菩萨白言。世尊如来我见月轮中金刚。一切如来咸告言。令坚固一切如来普贤心金刚。以此真言。

唵嚩日罗(二合)怛么(二合)句哈

所有遍满一切虚空界。一切如来身口心金刚界。以一切如来加持。悉入于萨埵金刚。则一切如来。于一切义成就菩萨摩訶萨。以金刚名。号金刚界。金刚界灌顶。时金刚界菩萨摩訶萨。白彼一切如来言。世尊如来我见一切如来为自身一切如来复告言。是故摩訶萨。一切萨埵金刚。具一切形成就。观自身佛形。以此自性成就真言。随意而诵。

唵也他萨婆怛他誡多萨怛(二合)他哈

作是言已。金刚界菩萨摩訶萨。现证自身如来。尽礼一切如来已。白言。唯愿世尊诸如来。加持于我。令此现证菩提坚固。作是语已。一切如来入金刚界如来彼萨埵金刚中。时世尊金刚界如来。当彼刹那顷。现证等觉一切如来平等智。入一切如来平等智三昧耶。证一切如来法平等智自性清静。则成一切如来平等自性光明智藏如来。应供正遍知。时一切如来。复从一切如来萨埵金刚出。以虚空藏大摩尼宝。灌顶。发生观自在法智。安立一切如来毗首羯磨。由此往诣须弥卢顶金刚摩尼宝峰楼阁。至已。金刚界如来。以一切如来加持。于一切如来师子座。一切面安立。时不动如来。宝生如来。观自在王如来。不空成就如来一切如来。以一切如来。加持自身。婆伽梵释迦牟尼如来。一切平等。善通达故。一切方平等。观察四方而坐。

尔时世尊毗卢遮那如来。不久现说等觉一切如来普贤心。获得一切如来虚空发生大摩尼宝灌顶。得一切如来观自在法智彼岸。一切如来毗首羯磨不空无碍教。圆满事业。圆满意乐。一切如来性。于自身加持。即入一切如来普贤摩诃菩提萨埵三昧耶。出生萨埵加持金刚三摩地。一切如来大乘现证三昧耶。名一切如来心。从自心出。

嚩日罗(二合)萨怛嚩(二合下同)

才出一切如来心。即彼婆伽梵普贤。为众多月轮。普净一切有情大菩提心。于诸佛所。周围而住。从彼众多月轮。出一切如来智金刚。即入婆伽梵毗卢遮那如来心。由普贤坚牢故。从金刚萨埵三摩地。由一切如来加持。合为一体。量尽虚空。遍满成五峰光明。一切如来身口心。出生金刚形。从一切如来心出。住佛掌中。复从金刚。出金刚形种种色相。舒遍照曜一切世界。从彼金刚光明门。出一切世界微尘等如来身。遍周法界。究竟一切虚空。遍一切世界云海。遍证一切如来平等智神境通。发一切如来大菩提心。成办普贤种种行。承事一切如来。往诣大菩提场。摧诸魔军。证成一切如来平等大菩提。转正法轮。乃至拔济一切。利益安乐尽无余有情界。成就一切如来智最胜神境通悉地等。示现一切如来神通游戏普贤故。金刚萨埵三摩地。妙坚牢故。聚为一体。生普贤摩诃菩提萨埵身。住世尊毗卢遮那佛心。而说唵陀南。

奇哉我普贤 坚萨埵自然

从坚固无身 获得萨埵身

时普贤大菩提萨埵身。从世尊心下。一切如来前。依月轮而住。复请教令。时婆伽梵。入一切如来智三昧耶。名金刚三摩地。受用一切如来戒定慧解脱解脱知见。转正法轮。利益有情大方便力。精进大智三昧耶。无尽无余拔济有情界。一切主宰。安乐悦意故。乃至得一切如来平等智。神境通。无上大乘现证。最胜悉地果故。一切如来成就金刚。授与彼普贤摩诃菩提萨埵。一切如来转轮王灌顶。以一切佛身宝冠缯彩。灌顶已。授与双手。则一切如来。以金刚名。号金刚手。金刚手灌顶时。金刚手菩萨摩訶萨。左慢右舞。弄跋折罗。则彼金刚安自心。持增进势。说此唵陀南。

此是一切佛 成金刚无上

授与我手掌 金刚加金刚

尔时世尊。复入不空王大菩萨三昧耶。所生萨埵加持。名金刚三摩地。名一切如来钩召三昧耶一切如来心。从自心出。

嚩日啰(二合)逻(引)惹

从一切如来心。才出已。则彼婆伽梵金刚手。为一切如来大钩。出已。入世尊毗卢遮那心。聚为一体。生金刚大钩形。住佛掌中。从金刚大钩形。出现一切世界微尘等如来身。召请一切如来等。作一切佛神通游戏。妙不空王故。金刚萨埵三摩地极坚牢故。聚为一体。生不空王大菩萨身。住毗卢遮那佛心。说此唵陀南。

奇哉不空王 金刚所生钩

由遍一切佛 为成就钩召

时不空王大菩萨身。从佛心下。依一切如来右月轮而住。复请教令。时婆伽梵。入一切如来钩召三昧耶。名金刚三摩地。受一切如来钩召三昧耶。尽无余有情界。一切钩召。一切安乐。悦意故。乃至一切如来集会加持。最胜悉地故。则彼金刚钩。授与不空王大菩萨双手。一切如来以金刚名。号金刚钩召。金刚钩召灌顶时。金刚钩召菩萨摩訶萨。以金刚钩。钩召一切如来。说此唵陀南。

此是一切佛 无上金刚智

成诸佛利益 最上能钩召

尔时婆伽梵。复入摩罗大菩萨三昧耶。出生萨埵加持。名金刚三摩地。一切如来随染三昧耶。名一切如来心。从自心出。

嚩日啰(二合)逻哦

从一切如来心。才出已。即彼婆伽梵持金刚。为一切如来花器仗。出已。入世尊毗卢遮那佛心。聚为一体。生大金刚箭形。住佛掌中。从彼金刚箭形。出一切世界微尘等如来身。作一切如来随染等。作一切佛神通游戏极杀故。金刚萨埵三摩地。极坚牢故。聚为一体。生摩罗大菩萨身。住世尊毗卢遮那佛心。说此唵陀南。

奇哉自性净 随染欲自然

离欲清净故 以染而调伏

时彼摩罗大菩萨身。从世尊心下。依一切如来左月轮而住。复请教令。时世尊。入一切如来随染加持。名金刚三摩地。受一切如来能杀三昧耶。尽无余有情界。随一切。安乐悦意故。乃至得一切如来摩罗业最胜悉地果故。则彼金刚箭。授与摩罗大菩萨双手。则一切如来。以金刚名。号金刚弓。金刚弓灌顶时。金刚弓菩萨摩訶萨

。以金刚箭。杀一切如来。说此唵陀南。

此是一切佛 染智无瑕秽

以染害厌离 能施诸安乐

尔时婆伽梵。复入极喜王大菩萨三昧耶。所生萨埵加持。名金刚三摩地。一切如来极喜三昧耶。名一切如来心。从自心出。

嚩日啰(二合)娑度

从一切如来心。才出已。则彼婆伽梵持金刚。为一切如来善哉相。入世尊毗卢遮那佛心。聚为一体。生大欢喜形。住佛掌中。从彼欢喜形。出一切世界微尘等如来身。作一切如来善哉相。作一切佛神通游戏极喜故。金刚萨埵三摩地。极坚牢故。聚为一体。生欢喜王大菩萨身。住世尊毗卢遮那佛心。说此唵陀南。

奇哉我善哉 诸一切胜智

所离分别者 能生究竟喜

时欢喜王大菩萨身。从世尊心下。依一切如来后月轮而住。复请教令。时世尊入一切如来等喜加持。名金刚三摩地。已受一切如来等喜一切安乐悦意故。乃至得一切如来无等喜一切安乐悦意故乃至得一切如来无上喜味最胜悉地果故。则彼金刚喜。授彼欢喜王大菩萨摩訶萨双手。则一切如来。以金刚名。号金刚喜。金刚喜灌顶时。金刚喜菩萨摩訶萨。以金刚喜善哉相。欢悦一切如来。说此唵陀南。

此是一切佛 能转善哉相

作诸喜金刚 妙喜令增长

大菩提心。一切如来钩召三昧耶。一切如来随染智。大欢喜。如是。一切如来大三昧耶萨埵。

尔时婆伽梵。复入虚空藏大菩萨三昧耶。所生宝加持。名金刚三摩地。一切如来灌顶三昧耶。名一切如来心。从自心出。

嚩日啰(二合)啰怛那(二合)

从一切如来心。才出已。一切虚空平等性智善通达故。金刚萨埵三摩地。极坚牢故

。聚为一体。则彼婆伽梵持金刚。为一切虚空光明。出已。以一切虚空光明。照耀一切有情界。成一切虚空界。以一切如来加持。一切虚空界。入世尊毗卢遮那佛心。善修习故。金刚萨埵三摩地。一切虚空界胎藏所成。一切世界遍满等量。出生大金刚宝形。住佛掌中。从彼金刚宝形。出一切世界微尘等如来身。出生已。作一切如来灌顶等。于一切世界。作一切如来神通游戏。虚空界胎藏。妙出生故。金刚萨埵三摩地。极坚牢故。聚为一体。生虚空藏大菩萨身。住世尊毗卢遮那佛心。说此唵陀南。

奇哉妙灌顶 无上金刚宝

由佛无所著 名为三界主

时彼虚空藏大菩萨身。从世尊心下。依一切如来前月轮而住。复请教令。时世尊入一切如来大摩尼宝。名金刚三摩地。受一切如来圆满意乐三昧耶。尽无余有情界。获一切义利。受一切安乐悦意故。乃至得一切如来利益最胜荣盛悉地故。受彼金刚摩尼。与彼虚空藏大菩萨摩诃萨金刚宝转轮王。授与金刚宝形灌顶。安于双手。则一切如来。以金刚名。号金刚藏。金刚藏灌顶时。金刚藏菩萨摩诃萨。以金刚摩尼。安自灌顶处。说此唵陀南。

此是一切佛 灌顶有情界

授与我手掌 宝安于宝中

尔时婆伽梵。复入大威光大菩萨三昧耶。出生宝加持。名金刚三摩地。一切如来光三昧耶。名一切如来心。从自心出。

嚩日啰(二合)帝惹

从一切如来心。才出已。即彼婆伽梵金刚手。为众多大日轮。出已。入世尊毗卢遮那佛心。聚为一体。生大金刚日形。住佛掌中。从彼金刚日轮。出一切世界微尘等如来身。放一切如来光明等。作一切佛神通游戏。极大威光故。金刚萨埵三摩地。极坚牢故。聚为一体。生大威光菩萨摩诃萨身。住世尊毗卢遮那佛心。说此唵陀南。

奇哉无比光 照耀有情界

能净清净者 诸佛救世者

时彼无垢大威光菩萨身。从世尊心下。依一切如来右月轮而住。复请教令。时世尊

入一切如来圆光加持。名金刚三摩地。受一切如来光三昧耶。尽无余有情界。无比光。一切安乐悦意故。乃至得一切如来自光明最胜悉地故。金刚日授与大威光菩萨摩诃萨双手。则一切如来。以金刚名。号金刚光。金刚光灌顶时。金刚光菩萨摩诃萨以彼金刚日。照耀一切如来。说此唵陀南。

此是一切佛 能坏无智暗

设微尘数日 此光超于彼

尔时婆伽梵。复入宝幢大菩萨三昧耶。出生宝加持。名金刚三摩地。一切如来满意愿三昧耶。名一切如来心。从自心出。

嚩日啰(二合)计都

从一切如来心。才出已。即彼婆伽梵持金刚。为种种色幢幡庄严形。出已。入世尊毗卢遮那佛心聚为一体生金刚幢形。住佛掌中。从彼金刚幢形。出一切世界微尘等如来身。建一切如来宝幢等。作一切佛神通游戏。大宝幢故。金刚萨埵三摩地。极坚牢故。聚为一体生宝幢大菩萨身。住世尊毗卢遮那佛心。说此唵陀南。

奇哉无比幢 一切益成就

一切意满者 令满一切愿

时彼宝幢大菩萨身。从世尊心下。依一切如来左月轮而住。复请教令。时世尊入一切如来建立加持。名金刚三摩地。受一切如来思惟王摩尼幢。能建三昧耶。尽无余有情界。令一切意愿圆满。一切安乐悦意故。乃至得一切如来大利益最胜悉地果故。则彼金刚幢。授彼宝幢菩萨摩诃萨双手。则一切如来。以金刚名。号金刚幢。金刚幢灌顶时。彼金刚幢菩萨摩诃萨。以金刚幢。安立一切如来于檀波罗蜜。说此唵陀南。

此是一切佛 能满诸意欲

名思惟宝幢 是檀度理趣

尔时婆伽梵。复入常喜悦大菩萨三昧耶。出生宝加持。名金刚三摩地。一切如来喜悦三昧耶。名一切如来心。从自心出。

嚩日啰(二合)贺娑

从一切如来心。才出已。即彼婆伽梵持金刚。为一切如来微笑。出已。入世尊毗卢遮那佛心。聚为一体。生金刚笑形。住佛掌中。从彼金刚笑形。出一切世界微尘等如来身。作一切如来奇特等。作一切佛神通游戏。常喜悦根故。金刚萨埵三摩地。极坚牢故。聚为一体。生常喜悦根大菩萨身。住世尊毗卢遮那佛心。说此唵陀南。

奇哉我大笑 诸胜大奇特

安立佛利益 常住妙等引

时彼常喜悦根大菩萨身。从世尊心下。依一切如来后月轮而住。复请教令。时世尊入一切如来奇特加持。名金刚三摩地。受一切如来出现三昧耶。尽无余有情界。一切根无上安乐悦意故。乃至得一切如来根清净智神境通果故。则彼金刚微笑。授与彼常喜悦根大菩萨摩訶萨双手。则一切如来以金刚名。号金刚喜。金刚喜灌顶时。金刚喜菩萨摩訶萨。以金刚微笑。悦一切如来。说此唵陀南。

此是一切佛 奇哉示出现

能作大喜悦 他师不能知

大灌顶寻圆光。有情大利。大笑。如是一切如来大灌顶萨埵。

尔时婆伽梵。复入观自在大菩萨三昧耶。出生法加持。名金刚三摩地。一切如来法三昧耶。名一切如来心。从自心出。

嚩日啰(二合)达摩

从一切如来心。才出已。即彼婆伽梵持金刚。自性清净一切法平等智善通达故。金刚萨埵三摩地。为正法光明。出已以彼正法光明。照耀一切世界。成为法界。尽法界。入世尊毗卢遮那佛心。聚为一体。量遍虚空法界。生大莲华形。住佛掌中。从彼金刚莲华形。出一切世界微尘等如来身。一切如来三摩地智神境通等。作一切神通游戏。于一切世界。妙观自在故。金刚萨埵三摩地。极坚牢故。聚为一体。生观自在大菩萨身。住世尊毗卢遮那佛心。说此唵陀南。

奇哉我胜义 本清净自然

诸法如筏喻 清净而可得

时彼观自在大菩萨身。从世尊心下。依一切如来前月轮而住。复请教令。时世尊入一切如来三摩地智。三昧耶出生。名金刚三摩地。能净一切如来。尽无余有情界。

我清淨。一切安乐悦意故。乃至得一切如来法智神境通果故。则彼金刚莲花。授与观自在菩萨摩訶萨正法转轮王。授与一切如来法身灌顶。灌于双手。则一切如来。以金刚名。号金刚眼。金刚眼灌顶时。金刚眼菩萨摩訶萨。则彼金刚莲花。如开敷莲花势。观察贪染清淨无染著自性。观已。说此唵陀南。

此是一切佛 觉悟欲真实

授与我手掌 法安立于法

尔时婆伽梵。复入曼殊室利大菩萨三昧耶。出生法加持。名金刚三摩地。一切如来大智慧三昧耶。名一切如来心。从自心出。

嚩日啰(二合)底乞洒拏(三合)

从一切如来心。才出已。即彼婆伽梵持金刚。为众多慧剑。出已。入世尊毗卢遮那佛心。聚为一体。生金刚劔形。住佛掌中。则从彼金刚剑形。出一切世界微尘等如来身。一切如来智慧等。作一切佛神通游戏。妙吉祥故。金刚萨埵三摩地。极坚牢故。聚为一体生曼殊室利大菩萨身。住世尊毗卢遮那佛心。说此唵陀南。

奇哉一切佛 我名微妙音

由慧无色故 音声而可得

时彼曼殊室利大菩萨身。从世尊心下。依一切如来右月轮而住。复请教令。时世尊入一切如来智慧三昧耶。名金刚三摩地。断一切如来结使三昧耶。尽无余有情界。断一切苦。受一切安乐悦意故。乃至得一切如来随顺音声慧圆满成就故。则彼金刚剑。授与曼殊室利大菩萨摩訶萨双手。则一切如来。以金刚名。号金刚慧金刚慧灌顶时。金刚慧菩萨摩訶萨。以金刚剑。挥斫。说此唵陀南。

此是一切佛 智慧度理趣

能断诸怨敌 除诸罪最胜

尔时婆伽梵。复入才发心转法轮菩萨摩訶萨三昧耶。出生法加持。名金刚三摩地。一切如来轮三昧耶。名一切如来心。从自心出。

嚩日啰(二合)系都

从一切如来心。才出已。即彼婆伽梵持金刚。成金刚界大曼荼罗。为一切如来大漫

荼罗出已。入世尊毗卢遮那佛心。聚为一体。生金刚轮形。住佛掌中。从彼金刚轮形。出一切世界微尘等如来身。才发心转法轮故。金刚萨埵三摩地。极坚牢故。聚为一体。生才发心转法轮菩萨摩訶萨身。住世尊毗卢遮那佛心。说此嚧陀南。

奇哉金刚轮 我金刚胜持

由才发心故 能转妙法轮

时彼才发心转法轮大菩萨身。从世尊心下。依一切如来左月轮而住。复请教令。时世尊入一切如来轮。名金刚三摩地。一切如来大漫荼罗三昧耶。尽无余有情界。令入得不退转法轮。受一切安乐悦意故。乃至转一切如来正法轮最胜悉地故。则彼金刚轮。授与才发心转法轮大菩萨摩訶萨双手。则一切如来。以金刚名。号金刚场。金刚场灌顶时。彼金刚场菩萨摩訶萨。以彼金刚轮。令一切如来。安立不退转。说此嚧陀南。

此是一切佛 能净一切法

是则不退转 亦名菩提场

尔时婆伽梵复入无言大菩萨摩訶萨三昧耶。出生法加持。名金刚三摩地。一切如来念诵三昧耶。名一切如来心。从自心出。

嚧日啰(二合)婆沙

从一切如来心。才出已。即彼婆伽梵。金刚手。为一切如来法文字。出已。入世尊毗卢遮那佛心。聚为一体。生金刚念诵形。住佛掌中。从彼金刚念诵形。出一切世界微尘等如来身。一切如来法性等。作一切佛神通游戏。妙语言故。金刚萨埵三摩地。极坚牢故。聚为一体。生无言大菩萨身。住世尊毗卢遮那佛心。说此嚧陀南。

奇哉自然密 我名秘密语

所说微妙法 远离诸戏论

时彼无言大菩萨身。从世尊心下。依一切如来后月轮而住。复请教令。时世尊入一切如来秘密语名金刚三摩地一切如来语智三昧耶。尽无余有情界。令语成就。受一切安乐悦意故。乃至得一切如来语秘密体性最胜悉地故。则彼金刚念诵。授与无言大菩萨摩訶萨双手。则一切如来。以金刚名。号金刚语。金刚语灌顶时。金刚语菩萨摩訶萨。以彼金刚念诵。共一切如来谈论。说此嚧陀南。

此是一切佛 名金刚念诵

于一切如来 真言速成就

金刚法智性。一切如来智慧。大转轮智。一切如来语。轮转戏论智。此是一切如来大智萨埵。

金刚顶一切如来真实摄大乘现证大教王经卷上

金刚顶一切如来真实摄大乘现证大教王经卷中

开府仪同三司特进试鸿胪卿肃国公食邑三千户赐紫赠司空谥大监正号大广智大兴善寺三藏沙门不空奉 诏译

大曼荼罗广大仪轨品之二

尔时婆伽梵。复入一切如来毗首羯磨大菩萨三昧耶。出生羯磨加持。名金刚三摩地。一切如来羯磨三昧耶。名一切如来心。从自心出。

嚩日啰(二合)羯磨

从一切如来心。才出已。一切如来羯磨平等智。善通达故。金刚萨埵三摩地。即从婆伽梵持金刚。为一切如来羯磨光明。出已。以彼一切如来羯磨光明。照耀一切有情界。为一切如来羯磨界。其尽一切如来羯磨界。入世尊毗卢遮那佛心。聚为一体。量遍一切虚空界。则一切如来羯磨界故。生羯磨金刚形。住佛掌中。则从羯磨金刚形。出一切世界微尘等如来身。于一切世界。一切如来羯磨等。作一切佛神通游戏。作一切如来无边事业故。金刚萨埵三摩地。极坚牢故。聚为一体。生一切如来毗首羯磨大菩萨摩訶萨身。住世尊毗卢遮那佛心。说此嚩陀南。

奇哉佛不空 我一切业多

无功作佛益 能转金刚业

尔时毗首羯磨大菩萨身。从世尊心下。依一切如来前月轮而住。复请教令。时世尊入一切如来不空金刚三昧耶。名金刚三摩地。转一切供养等。无量不空。一切业轨仪广大三昧耶。尽无余有情界。作一切悉地。受一切安乐悦意故。乃至成就一切如来金刚羯磨性智神境通果故。则彼羯磨金刚。授与一切如来金刚羯磨大菩萨。为一切如来羯磨转轮王。以一切如来灌顶。授与双手。则一切如来。以金刚名。号金刚毗首。金刚毗首灌顶时。彼金刚毗首菩萨摩訶萨。则安立羯磨金刚于自心。令安一切如来羯磨平等处。说此嚩陀南。

此是一切佛 作种种胜业

授与我掌中 以业安于业

尔时婆伽梵。复入难敌精进大菩萨摩訶萨三昧耶。出生羯磨加持。名金刚三摩地。一切如来守护三昧耶。名一切如来心。从自心出。

嚩日啰(二合)路乞沙(二合)

从一切如来心。才出已。即彼婆伽梵金刚手。为众多坚固甲冑。出已。入世尊毗卢遮那佛心。聚为一体。生大金刚甲冑形。住佛掌中。从彼金刚甲冑形。出一切世界微尘等如来身。一切如来守护仪轨广大事业等。作一切佛神通游戏。难敌精进故。金刚萨埵三摩地。极坚固故。聚为一体。生难敌精进大菩萨身。住世尊毗卢遮那佛心。说此唵陀南。

奇哉精进甲 我固坚固者

由坚固无身 作金刚胜身

时彼难敌精进大菩萨身。从世尊心下。依一切如来右月轮而住。复请教令。时世尊入一切如来坚固名金刚三摩地。一切如来精进波罗蜜三昧耶。救护尽无余有情界。受一切安乐悦意故。乃至得一切如来金刚身成就果故。则金刚甲冑。授与难敌精进大菩萨双手。则一切如来。以金刚名。号金刚慈友。金刚慈友灌顶时。彼金刚慈友菩萨摩訶萨。以金刚甲冑。被一切如来。说此唵陀南。

此是一切佛 最胜慈甲冑

坚精进大护 名为大慈友

尔时婆伽梵。复入摧一切魔大菩萨摩訶萨三昧耶。出生羯磨加持。名金刚三摩地。一切如来方便三昧耶。名一切如来心。从自心出。

嚩日啰(二合)药乞洒(二合)

从一切如来心。才出已。即彼婆伽梵持金刚。为众多大牙器仗。出已。入世尊毗卢遮那佛心。聚为一体。生金刚牙形。住佛掌中。从彼金刚牙形。出一切世界微尘等如来身。作一切降伏暴怒等。为一切佛神通游戏。一切魔善摧伏故。金刚萨埵三摩地。极坚固故。聚为一体。生摧一切魔大菩萨身。住世尊毗卢遮那佛心。说此唵陀南。

奇哉大方便 诸佛之慈愍

由有形寂静 示作暴怒形

时彼摧一切魔大菩萨身。从世尊心下。依一切如来左月轮而住。复请教令。时世尊入一切如来极怒金刚三摩地。一切如来调伏难调。尽无余有情界。施无畏。受一切

安乐悦意故。乃至得一切如来大方便智神境通最胜悉地果故。则彼金刚牙器仗。授与彼摧一切魔大菩萨双手。则一切如来。以金刚名。号金刚暴怒。金刚暴怒灌顶时。彼金刚暴怒菩萨摩诃萨。以彼金刚牙器仗。安自口中。恐怖一切如来。说此唵陀南。

此是一切佛 调伏诸难调

金刚牙器仗 方便愍慈者

尔时婆伽梵。复入一切如来拳大菩萨摩诃萨三昧耶。出生羯磨加持。名金刚三摩地。一切如来身口心金刚缚三昧耶。名一切如来心。从自心出。

嚩日啰(二合)散地

从一切如来心。才出已。即彼婆伽梵持金刚。为一切如来一切印缚。出已。入世尊毗卢遮那佛心。聚为一体。生金刚缚形住佛掌中。从彼金刚缚形。出一切世界微尘等如来身。出已。于一切世界。一切如来印缚智等。作一切佛神通游戏。一切如来拳善缚故。金刚萨埵三摩地。极坚牢故。聚为一体。生一切如来拳大菩萨身。住世尊毗卢遮那佛心。说此唵陀南。

奇哉妙坚缚 我坚三昧耶

成诸意乐故 解脱者为缚

时彼一切如来拳大菩萨身。从世尊心下。依一切如来后月轮而住。复请教令。时世尊入一切如来三昧耶。名金刚三摩地。一切如来印三昧耶。尽无余有情界。令一切如来圣天。现验一切悉地。受一切安乐悦意故。乃至得一切如来一切智智印。主宰最胜悉地果故。则彼金刚缚。授与一切如来金刚拳大菩萨摩诃萨双手。则彼一切如来。以金刚名。号金刚拳。金刚拳灌顶时。彼金刚拳菩萨摩诃萨。以彼金刚缚。缚一切如来。说此唵陀南。

此是一切佛 印缚大坚固

速成诸印故 不越三昧耶

一切如来供养广大仪轨业。一切如来大精进坚固甲冑。一切如来大方便。一切如来一切印缚智。如是一切如来大羯磨萨埵。

尔时不动如来。成就世尊毗卢遮那一切如来智已。印一切如来智故。入金刚波罗蜜

三昧耶。所生金刚加持。名金刚三摩地。一切如来金刚三昧耶。名一切如来印。从自心出。

萨怛嚩日离

从一切如来心。才出已。出金刚光明。从彼金刚光明门。即彼婆伽梵持金刚。为一切世界微尘等如来身。印一切如来智。复聚为一体。等一切世界量。生大金刚形。依世尊毗卢遮那佛前月轮而住。说此嚩陀南。

奇哉一切佛 萨埵金刚坚

由坚无身故 获得金刚身

尔时世尊宝生如来。印世尊毗卢遮那一切如来智故。入宝波罗蜜三昧耶。所生宝金刚加持。名金刚三摩地。金刚三昧耶。名自印。从自心出。

啰怛那嚩日离(二合)

从一切如来心。才出已。出宝光明。从彼宝光明。即彼婆伽梵持金刚。为一切世界微尘等如来身。印一切如来智。复聚为一体。等一切世界量。生大金刚宝形。依世尊毗卢遮那佛右月轮而住。说此嚩陀南。

奇哉一切佛 我名宝金刚

于一切印众 坚灌顶理趣

尔时世尊观自在王如来。印世尊毗卢遮那一切如来智故。入法波罗蜜三昧耶。所生法金刚加持。名金刚三摩地。法三昧耶。名自印。从自心出。

达摩嚩日离(二合)

从一切如来心。才出已。出莲花光明。从彼莲华光明。即彼婆伽梵持金刚。为一切世界微尘等如来身。印一切如来智。复聚为一体。等一切世界量。生大金刚莲花形。依世尊毗卢遮那佛后月轮而住。说此嚩陀南。

奇哉一切佛 法金刚我净

由自性清净 令贪染无垢

尔时世尊不空成就如来。印毗卢遮那一切如来智故。入一切波罗蜜三昧耶。所生金刚加持。名金刚三摩地。一切三昧耶。名自印。从自心出。

羯磨嚩日离(二合)

从一切如来心。才出已。出一切羯磨光明。从彼一切如来羯磨光明。即彼婆伽梵持金刚。为一切世界微尘等如来身。遍印一切如来智。复聚为一体。等一切世界量。面向一切处。生大羯磨金刚形。依世尊毗卢遮那佛左月轮而住。说此嚩陀南。

奇哉一切佛 我名业金刚

由一成一切 佛界善作业

一切如来智三昧耶大灌顶。金刚法性。一切供养。如是一切如来大波罗蜜。

尔时世尊毗卢遮那佛。复入一切如来适悦供养三昧耶。所生名金刚三摩地。一切如来族大天女。从自心出。

嚩日啰(二合)逻西

从一切如来心。才出已。出金刚印。从彼金刚印门。则彼婆伽梵持金刚。为一切世界微尘等如来身。复聚为一体。为金刚嬉戏大天女。如金刚萨埵。一切身性种种形色威仪一切庄严具。摄一切如来族金刚萨埵女。依世尊不动如来曼荼罗左边月轮而住。说此嚩陀南。

奇哉无有比 诸佛中供养

由贪染供养 能转诸供养

尔时世尊毗卢遮那。复入一切如来宝鬘灌顶三昧耶。所生名金刚三摩地。一切如来族大天女。从自心出。

嚩日啰(二合)摩犁

从一切如来心。才出已。出大宝印。从彼大宝印。则彼婆伽梵持金刚。为一切世界微尘等如来身。复聚为一体。为金刚鬘大天女。依世尊宝生如来曼荼罗左边月轮而住。说此嚩陀南。

奇哉我无比 称为宝供养

于三界王胜 教敕受供养

尔时世尊毗卢遮那。复入一切如来歌咏供养三昧耶。所生名金刚三摩地。一切如来族大天女。从自心出。

嚩日啰(二合)霓(愚以反)帝

从一切如来心。才出已。出一切如来法印。从彼一切如来法印。彼婆伽梵持金刚。为一切世界微尘等如来身。复聚为一体。为金刚歌咏大天女。依世尊观自在王如来左边月轮而住。说此嚩陀南。

奇哉成歌咏 我供诸见者

由此供养故 诸法如响应

尔时世尊毗卢遮那。复入一切如来舞供养。所生名金刚三摩地。一切如来族大天女。从自心出。

嚩日啰(二合)你哩(二合)帝曳

从一切如来心。才出已。出一切如来舞广大仪。从彼出一切如来舞供养仪。则彼婆伽梵持金刚。为一切世界微尘等如来身。复聚为一体。为金刚舞大天女。依世尊不空成就如来左边月轮而住。说此嚩陀南。

奇哉广供养 作诸供养故

由金刚舞仪 安立佛供养

一切如来无上安乐悦意三昧耶。

一切如来鬘。一切如来讽咏。一切如来无上。作供养业。如是一切如来秘密供养。

尔时世尊不动如来。奉答毗卢遮那如来供养故。入一切如来能悦泽三昧耶。所生名金刚三摩地。一切如来婢使。从自心出。

嚩日啰(二合)杜闭

从一切如来心。才出已。则彼婆伽梵持金刚。为种种仪烧香供养云严饰。舒遍一切金刚界。出已。从彼烧香供养云海出一切世界微尘等如来身。复聚为一体。为金刚

烧香天女身。依世尊金刚摩尼宝峰楼阁隅左边月轮而住。说此唵陀南。

奇哉大供养 悦泽具端严

由萨埵遍入 速疾证菩提

尔时世尊宝生如来。奉答毗卢遮那如来供养故。入宝庄严供养三昧耶。所生名金刚三摩地。一切如来承旨大天女。从自心出。

嚩日啰(二合)补涩闭(二合)

从一切如来心。才出已。即彼婆伽梵持金刚。为一切花供养严饰。舒遍一切虚空界。出已。从彼一切花供养严饰。出一切世界微尘等如来身。出已。复聚为一体。为金刚花天女形。依如来金刚摩尼宝峰楼阁隅左边月轮而住。说此唵陀南。

奇哉花供养 能作诸庄严

由如来宝性 速疾获供养

尔时世尊观自在王如来。奉答世尊毗卢遮那供养故。入一切如来光明供养三昧耶。所生名金刚三摩地。一切如来女使。从自心出。

嚩日啰(二合)路计

从一切如来心。才出已。即彼婆伽梵持金刚。出一切光明界供养严饰。舒遍尽法界。从彼一切光明界庄严具。出一切世界微尘等如来身。出已。复聚为一体。为金刚光明天女身。依世尊金刚摩尼宝峰楼阁隅左边月轮而住。说此唵陀南。

奇哉我广大 供养灯端严

由速具光明 获一切佛眼

尔时世尊不空成就如来。奉答毗卢遮那如来供养故。入一切如来涂香供养三昧耶。所生名金刚三摩地。一切如来婢使。从自心出。

嚩日啰(二合)嚩题

从一切如来心。才出已。则彼婆伽梵持金刚。出一切涂香供养严饰。舒遍一切法界。从彼一切涂香供养严饰。出一切世界微尘等如来身。出已。复聚为一体。为金刚

涂香天女身。依世尊金刚摩尼宝峰楼阁隅左边月轮而住。说此嚧陀南。

奇哉香供养 我微妙悦意

由如来香故 授与一切身

一切如来智遍入。大菩提支分三昧耶。一切如来光明。戒定慧解脱解脱知见涂香。如是一切如来受教令女。

尔时世尊毗卢遮那如来。复入一切如来三昧耶钩三昧耶。所生萨埵。名金刚三摩地。一切如来一切印众主。从自心出。

嚧日啰(二合)矩矬

从一切如来心。才出已。则彼婆伽梵持金刚。出一切如来一切印众。从彼一切如来一切印众。出一切世界微尘等如来身。复聚为一体。为金刚钩大菩萨身。依世尊金刚摩尼宝峰楼阁金刚门中月轮而住。钩召一切如来三昧耶。说此嚧陀南。

奇哉一切佛 钩誓我坚固

由我遍钩召 集诸曼荼罗

尔时世尊复入一切如来三昧耶。引入摩诃萨埵三昧耶。所生名金刚三摩地。一切如来印入承旨。从自心出。

嚧日啰(二合)播矬

从一切如来心。才出已。则彼婆伽梵持金刚。出一切如来三昧耶引入印众。从彼一切如来三昧耶引入印众。出一切世界微尘等如来身。复聚为一体。为金刚索大菩萨身。依世尊金刚摩尼宝峰楼阁宝门间月轮而住。引入一切如来。说此嚧陀南。

奇哉一切佛 我坚金刚索

设入诸微尘 我复引入此

尔时世尊复入一切如来三昧耶。锁大萨埵三昧耶。所生名金刚三摩地。一切如来三昧耶。缚一切如来使。从自心出。

嚧日啰(二合)萨普(二合)吒

从一切如来心。才出已。则彼婆伽梵持金刚。出一切如来三昧耶缚。为印众。从彼一切如来三昧耶缚印众。出已。出一切世界微尘等如来身。复聚为一体。为金刚锁大菩萨身。依世尊金刚摩尼宝峰楼阁法华中月轮而住。说此嚧陀南。

奇哉一切佛 大坚金刚锁

令诸缚脱者 有情利故缚

尔时世尊复入一切如来遍入大菩萨三昧耶。所生名金刚三摩地。一切如来一切印僮仆。从自心出。

嚧日啰(二合)吠舍

从一切如来心。才出已。则彼婆伽梵持金刚。为一切如来印主。出已。从彼一切如来印主。出一切世界微尘等如来身。复聚为一体。为金刚遍入大菩萨身。依世尊金刚摩尼宝峰楼阁羯磨门中月轮而住。说此嚧陀南。

奇哉一切佛 我坚金刚入

为一切主宰 亦即为僮仆

一切如来三昧耶钩召。引入缚调伏。如是一切如来教令。

尔时世尊为一切如来召集故。作金刚弹指相。说此一切如来召集加持心。

嚧日啰(二合)三摩惹

由刹那擻嚧须臾顷。一切如来弹指相警觉已。遍一切世界云海中。一切世界微尘等如来并菩萨。集会曼荼罗。集已。往诣金刚摩尼宝峰楼阁世尊毗卢遮那如来所。至已。说礼一切如来足心。

唵萨嚧。(二合)怛他孽多。播那满娜曩迦嚧弥

由此性成就真言随意念诵。礼一切如来已。说此嚧陀南。

奇哉大普贤 菩萨之敬仪

是如来轮坛 影现于如来

时十方一切世界集会如来。说已。由一切如来加持。一切菩萨。集会曼荼罗。入毗卢遮那佛心。从彼一切如来心。各各自菩萨众曼荼罗。出已。依世尊毗卢遮那佛金刚摩尼宝峰楼阁周围作坛三摩地而住。说此嚧陀南。

奇哉一切佛 广大无始生

由一切尘数 获得佛一性

尔时婆伽梵一切如来。复作集会。令金刚界大曼荼罗加持故。得尽无余有情界。拔济一切利益安乐故。乃至一切如来平等智。神境通三菩提。最胜成就故。奉请婆伽梵一切如来主宰金刚萨埵无始无终大持金刚。以此一百八赞而请。

金刚勇大心 金刚诸如来

普贤金刚初 我礼金刚手

金刚王妙觉 金刚钩如来

不空王金刚 我礼金刚召

金刚染大乐 金刚箭能伏

魔欲大金刚 我礼金刚弓

金刚菩萨埵 金刚戏大适

欢喜王金刚 我礼金刚喜

金刚宝金刚 金刚空大宝

宝藏金刚峰 我礼金刚藏

真刚威大炎 金刚日佛光

金刚光大威 我礼金刚光

金刚幢善利 金刚幡妙喜

宝幢大金刚 我礼金刚刹

金刚笑大笑 金刚笑大奇
爱喜金刚胜 我礼金刚爱
金刚法善利 金刚莲妙净
世贵金刚眼 我礼金刚眼
金刚利大乘 金刚剑仗器
妙吉金刚染 我礼金刚慧
金刚因大场 金刚轮理趣
能转金刚起 我礼金刚场
金刚说妙明 金刚诵妙成
无言金刚成 我礼金刚语
金刚业教令 金刚广不空
业金刚遍行 我礼金刚巧
金刚护大勇 金刚甲大坚
难敌妙精进 我礼金刚勤
金刚尽方便 金刚牙大怖
摧魔金刚峻 我礼金刚忿
金刚令威严 金刚能缚解
金刚拳胜誓 我礼金刚拳
若有持此名 百八寂静赞
金刚名灌顶 彼亦获如是

若有以此名 赞大持金刚

正意歌咏者 彼如持金刚

我等以此名 一百八名赞

愿大乘现证 遍流大理趣

我等赞汝尊 愿说最胜仪

一切佛大轮 胜大曼荼罗

尔时婆伽梵大持金刚。闻一切如来请语。入一切如来三昧耶所生加持金刚三摩地。说金刚界大曼荼罗。

次当我遍说 胜大曼荼罗

由如金刚界 名为金刚界

如教应安坐 于曼荼罗中

大萨埵大印 思惟应加持

住印则当起 顾视于诸方

倨傲而按行 诵金刚萨埵

以新线善合 应量以端严

以线智应抔 随力曼荼罗

四方应四门 四刹而严饰

四线而交络 繒彩鬘庄严

隅分一切处 门户于合处

钿饰金刚宝 应抔外轮坛

彼中如轮形 应入于中宫

金刚线遍抔 八柱而庄严

于金刚胜柱 应饰五轮坛

于中曼荼罗 安立佛形像

佛一切周围 曼荼罗于中

四胜三昧耶 次第而图画

金刚进而步 于四曼荼罗

阿閼毗等四 安立一切佛

应作不动坛 剂金刚持等

金刚藏等满 宝生曼荼罗

金刚眼净业 无量寿轮坛

应画不空成 金刚巧等坛

安立于轮隅 应画金刚女

外坛于隅角 应画佛供养

门中一切处 守护门四众

安立于外坛 应画摩诃萨

即胜三昧耶 结印如仪则

金刚师入已 摧印而遍入

此诸遍入心

恶请敕如本教 自身加持等

作已称自名 应以金刚成
萨埵金刚钩 金刚师则结
召集作弹指 应请一切佛
刹那顷诸佛 并金刚萨埵
应满一切坛 集会曼荼罗
则速疾大印 观金刚萨埵
一遍称百八 由结集则喜
如来皆坚固 金刚萨自成
慈友而安住 诸门一切处
钩等而作业 以大羯磨印
安住三昧耶 以印三昧耶
萨埵金刚等 应成大萨埵
诵弱𠵼𠵼𠵼 则不等一切
召集大萨埵 钩召引入已
缚已令调伏 则以密供养
令喜大威德 应自有情利
愿作一切成 如是诸坛中
金刚师事业

金刚顶一切如来真实摄大乘现证大教王经卷中

金刚顶一切如来真实摄大乘现证大教王经卷下

开府仪同三司特进试鸿胪卿肃国公食邑三千户赐紫赠司空谥大监正号大广智大兴善寺三藏沙门不空奉 诏译

大曼荼罗广大仪轨品之三

次当广说金刚弟子。入金刚大曼荼罗仪轨。于中我先说令入尽无余有情界。拔济利益安乐。最胜悉地因果故。入此大曼荼罗。是器非器不应简择。何以故。世尊或有有情作大罪者。彼入此金刚界大曼荼罗。见已入已。离一切恶趣。世尊或有有情。诸利饮食贪欲染著。憎恶三昧耶。为先行等。如是等类。随意爱乐入已。则得满一切意愿。世尊或有有情。爱乐歌舞嬉戏饮食玩具。由不晓晤一切如来大乘现证法性故。入余天族曼荼罗。于满一切意愿。摄受无上。能生爱乐欢喜。一切如来族曼荼罗禁戒。怖畏不入。为彼入恶趣坛路门。应入此金刚界大曼荼罗。为令一切适悦最胜悉地。安乐悦意受用故。能转一切恶趣现前道故。世尊复有住正法有情。为一切众生。求一切如来戒定慧最胜悉地方便佛菩提故。久修禅定解脱地等。劳倦彼等。入此金刚界大曼荼罗。才入已。一切如来果尚不难。何况余悉地类。

次当且先以四礼。礼一切如来。全身舒臂。金刚合掌。以心臆著地。礼东方真言曰。

唵萨嚩怛他蕤多布儒(开口角唇呼)跋萨他(三合)哪耶怛么(二合)南你[口*栗](二合)耶多夜弥萨嚩怛他蕤多嚩日罗(二合)萨怛嚩(二合)地瑟姹(二合)萨嚩[牟*含]

即前金刚合掌住心。以额礼南方真言曰。

唵萨嚩怛他蕤多布惹(引)毗晒迦耶怛么(二合)南涅哩(二合)夜多夜弥萨嚩怛他蕤多嚩日罗(二合)啰怛那(二合)毗洗遮[牟*含]

即前金刚合掌。安于头。以口著地。礼西方真言曰。

唵萨嚩怛他蕤多布惹钵罗(二合)鞞[口*栗](二合)多那夜怛么南涅哩夜多夜弭萨嚩怛他蕤多嚩日啰达摩钵啰鞞[口*栗]多(二合)夜[牟*含]

即前金刚合掌当心。以顶著地礼北方真言曰。

唵萨嚩怛他蕤多布惹羯磨尼(轻呼)阿怛么南涅哩夜多夜弭萨嚩怛他蕤多嚩日啰羯磨句[口*路][牟*含]

则以绋纒角络披以绋帛覆面。令弟子结萨埵金刚印以此心。

三摩耶萨怛𑖀(二合)

则以二中指。令持花鬘。以此心真言。令入三摩耶吽。入已作是言。

阿你也(二合)萨怛𑖀(二合)萨婆怛他𑖀多句犁钵啰尾瑟吒(二合)萨多(二合)娜悍谛𑖀日啰枳若(二合)那母怛跛(二合)那以使也(二合)弭曳那枳娘(二合)泥那怛𑖀萨婆怛他𑖀多悉地啰比避啰(二合)钵旦(二合)嘶金(吉溪反)布那啰惹悉驮药啰惹那遮怛𑖀耶涅哩瑟吒摩诃曼荼罗写也(二合)𑖀羯哆(二合)尾闾(二合)么提三摩渝尾也(二合)他你谛(丁翼反)

金刚阿闍黎。自应结萨埵金刚印。反安弟子顶。作是言。此是三昧耶金刚。摧汝顶不应说。加持誓水一遍。令弟子饮誓水真言曰。

𑖀日啰萨埵萨𑖀延谛你耶(二合)訖唎那曳娑摩𑖀悉体(汀以反)哆捏(尼逸反)避你也(二合)萨怛乞叉(二合)喃夜耶你也(二合)你没嚧(二合)耶你难那(去)闍𑖀日[口*路]娜迦圻

则告弟子。自今已后。汝观娑跢我。如金刚手。我所应言。汝当如是作。汝不应轻慢于我。勿令汝招灾祸。死已。当堕地狱。作如是语已。唯愿一切如来加持。愿金刚萨埵遍入。金刚阿闍梨。应结萨埵金刚印。作是言。

阿衍怛三摩欲(开口呼)缚日𑖀(二合)𑖀日啰萨怛𑖀弭底(丁以反)萨密哩(二合)耽阿尾舍野都谛曳𑖀(二合)𑖀日啰枳娘那摩弩怛𑖀𑖀日啰(引)吠奢恶

则结忿怒拳摧萨埵金刚印。随意金刚语。诵大乘现证百字真言。则阿尾舍。才阿尾舍已。则发生微妙智。由此知他心。悟他心。于一切事知三世。其心则得坚固。于一切如来教中。悉除一切苦恼。离一切诸恶趣。于一切有情。无沮坏。一切如来加持。一切悉地现前得未曾有。生喜悦安乐悦意。由此安乐等。或成就三摩地。或陀罗尼门。或一切意愿。皆得满足。乃至成就一切如来体性。

则结彼印。以解于弟子心。诵此心真言。

底瑟姤(二合)𑖀日啰涅哩浊咩婆𑖀舍湿。𑖀(二合)都咩婆𑖀訖唎娜闍咩地底瑟姤萨𑖀悉朕(亨淫反上)遮咩钵啰(二合)也车吽呵呵呵呵斛(引)

则以其花鬘。令弟子掷于大曼荼罗。以此心真言。

钵啰底车囉日啰斛(引)

随花落处。则彼尊成就则取彼花鬘。系弟子头上。以此心真言。

唵钵啰底仉哩纇拏怛囉弭[牟*含]

萨怛囉摩诃么攞

由此则大萨埵摄受。速得成就。成入已则解面。以此心真言。

唵囉日啰萨埵萨囉延帝你耶(二合)灼乞刍(二合引)娜伽姹曩怛钵(二合)啰乌那伽咤野底(丁以反)萨囉乞[口*芻]囉日啰(二合)灼乞[口*芻]啰弩多嚩

则诵见真言。

系囉日啰波舍

则令弟子。次第而视大曼荼罗。才见已。一切如来加持护念。则金刚萨埵。住彼弟子心。则见种种光相游戏神通。由见曼荼罗。由如来加持故。或见婆伽梵大持金刚。示现本形。或见如来。从此已后。一切义利一切意所乐事。一切悉地。乃至获得持金刚及如来。示大曼荼罗已。

则以金刚。加持香水瓶。灌弟子顶。以此心真言。

囉日啰毗洗遮

则随以一印系。鬘以自髻。帜安于二手掌。中诵心真言。

阿你也(二合)毗色羯多(二合)萨怛囉(二合)么斯没代囉日啰毗筛羯哆伊难帝萨囉勃驮怛鑊(二合)吃哩纇拏(二合)囉日啰苏悉驮曳吽囉日啰地波底怛囉(二合)么毗洗遮弥底瑟姹(二合)囉日罗三摩耶萨怛鑊(二合)

则以金刚名。灌以此心真言。

唵囉日罗萨怛囉(二合)左摩毗洗遮弭囉日啰那摩毗筛羯哆你囉日罗(二合)么么

金刚某甲若与弟子受名号。应加系用呼之已。广说入一切曼荼罗仪。则问弟子言。汝爱乐出生悉地智耶。神通悉地智耶。持明悉地智耶。乃至一切如来智最胜悉地智耶。随彼所乐应说之则教义利悉地成办印智。

金刚形住藏 当于心中观
观已住于地 则当见伏藏
金刚形观已 空中而遍观
若见随堕处 彼则是伏藏
金刚形于舌 智者应是观
自言此处有 语已成真实
金刚形一切 应当观自身
遍入落于彼 其处是伏藏
彼等心真言。

嚩日啰你地啰怛娜你地达摩你地羯摩你地
次应教金刚悉地成办印智。

金刚入生已 水成金刚形
由观速成就 于水上游行
复生金刚入 身色如自形
修习于如是 自然如佛形
遍入于自身 自身观如空
随乐修习已 则得安达怛
金刚入自己 观自如金刚
乃至踊上升 则得虚空行
如是等真言曰。

嚩日啰喏囉嚩日啰嚧波嚩日啰迦奢嚩日罗么[牟*含]

次则教金刚持明悉地成办印智。

应观月形像 上踊于虚空

手攀于金刚 得金刚持明

升于月轮上 应观金刚宝

净身者随欲 刹那成腾空

升于月轮已 手持金刚莲

应观金刚眼 则得持明位

住于月轮中 应观业金刚

速获金刚巧 则得诸持明

如是等心真言曰。

嚩日罗达囉啰怛娜达囉播娜磨达囉羯么达囉

次则教一切如来最胜悉地成办印智。

住诸金刚定 思于虚空界

随乐金刚身 刹那成腾空

住诸净等持 修习于最胜

获得五神通 速疾智成就

观金刚萨埵 遍于一切空

速念坚固已 则为持金刚

一切成佛形 观想于虚空

由诸佛等持 则得成正觉

如是等真言曰。

嚩日啰嚩日啰述驮述驮萨怛缚萨怛缚没驮没驮

如上是一切悉地智成办。

次当令弟子。持秘密堪忍法。初旦诵誓心真言曰。

唵嚩日啰萨怛嚩(二合)萨嚩延谛你耶(二合)吃唎那曳(平)萨摩嚩萨体(汀以反)哆捏(尼逸反)避你也(二合)怛乞叉(二合)南夜耶你也(二合)你没嚩(二合)耶你难那(去)阎

则告如是言汝不应越此誓心真言勿令汝招灾祸夭寿。以此身堕地狱。则应教秘密印智。

生金刚入已等引而手拍微细金刚掌山石尚敬爱。

次是金刚拍印。

入金刚仪已 金刚缚掌击

以微细掌法 山石尚遍入

以如上入仪 金刚缚舒展

胜拍应等摧 刹那坏百族

微细遍入仪 诸指以等引

金刚缚而解 能夺胜诸苦

次当说秘密成就于婆伽入身女人或丈夫一切想入已彼身令遍舒。

如是等心真言曰。

嚩日啰 缚笞嚩日啰尾舍嚩日啰诃那嚩日啰诃啰

即应授与心真言已。教自本尊四智印。以此仪则。告弟子言。汝慎于余人。未知此

印一切。不应指示。何以故彼有情。不见大曼荼罗。辄结彼等。皆不成就。则生疑惑。招灾祸。速死堕于无间大地狱。堕于恶趣。

次当说一切如来萨埵成就大印智。

从心智应发 应观金刚日

观自为佛形 应诵金刚界

由此才成就 获智寿力年

得一切遍行 佛体尚不难

此是一切如来现证菩提印。

次当说结金刚萨埵成就大印。

倨傲抽掷杵 等持金刚慢

身口心金刚 成金刚萨埵

由此遍行印 诸欲生安乐

通寿力胜色 如金刚萨埵

以三金刚仪 如画顺修习

幟帜印相应 成就大萨埵

我今说诸教 能成及所成

成就者大业 我今次第说

每日先依时 及自加持等

作已成如初 然后应随意

次当广说大印成就仪则。

遍入金刚已 大印如仪则

身前应当结 思惟大萨埵

见彼智萨埵 应观于自身

钩召引入缚 令喜作成就

如是等真言曰。

嚩日啰萨怛嚩(二合)恶

此是金刚遍入心。

嚩日罗萨怛嚩涅槃(二合)舍野

此是大萨埵观念心。

弱吽鑢斛(引)

此是大萨埵。钩召引入缚令喜心。

诵三昧耶萨怛鑢(二合) 遍入背后而月轮

于中应观而萨埵 我三昧耶萨怛鑢

随彼萨埵印 修习观自身

金刚语以成 能成就诸印

诵弱吽鑢斛 身中入诸佛

应作善思惟 令大印成就

我今说事业 金刚业无上

由观佛成就 速获佛自性

成萨埵金刚 为诸佛主宰

由结宝金刚 为诸宝主宰
成就法金刚 则能持佛法
由业金刚印 则为金刚业
成金刚萨埵 由结萨埵印
能召持金刚 金刚召相应
金刚染大印 能染一切佛
令喜一切佛 由金刚善哉
奉施佛灌顶 由宝印仪则
速为金刚光 由金刚光仪
持习金刚幢 则满一切愿
由金刚笑仪 共诸佛戏笑
持金刚法已 由金刚法仪
得诸佛胜慧 由金刚利仪
持习金刚轮 则能转法轮
成就佛语言 由金刚语仪
速获金刚业 由作金刚业
掣服金刚甲 获得金刚身
成金刚药叉 如金刚药叉
一切印成就 由结金刚拳
以金刚嬉戏 获大金刚悦

由结金刚鬘 从佛获灌顶
金刚歌相应 获得金刚歌
由结金刚舞 则供养诸佛
悦泽皆一切 由金刚烧香
金刚花相应 令敬诸群品
由金刚灯印 供养故获眼
能除一切苦 由金刚香仪
由金刚钩召 能作诸胜业
能一切引入 由金刚索仪
金刚锁相应 堪任一切缚
由金刚入仪 能成诸遍入
次当说一切如来金刚三昧耶智印。

坚固结合掌 诸指互交结
名为金刚掌 极结金刚缚
诸三昧耶印 皆生金刚缚
我今说结仪 金刚结无上
坚萨埵金刚 中指竖如牙
大中如宝形 中指而反屈
移指如莲叶 中指于交合
头指附中指 名为第五佛

我今遍说如来族三昧耶胜印。

由结作成就 二手如月形

中指如金刚 余指面不著

金刚萨埵印 头钩胜指交

由如弹指势 金刚萨埵四

此为众印等 宝金刚头指

面合而反屈 中无名小指

舒展旋当心 无名指如幢

及与小指合 复住于笑处

则名彼等印 竖齐二大指

头指屈如莲 则彼金刚剑

中合屈上节 则彼齐无名

小指交如轮 则解大指缚

舒展从口起 小大指面合

集会业金刚 则彼齐头指

住心而舒展 曲头指如牙

小指亦复然 大指小指间

头指屈其上 于心齐大指

展臂名为鬘 腾掌从口散

作舞顶上合 金刚缚下施

自掌而上献 齐头指相逼
舒展如涂势 由一头指屈
二头指结缚 大头端如锁
如金刚拳合 我今说能成
金刚成最胜 自印住于心
萨埵金刚定 次说作事业
金刚业无上 金刚界等印
由集会如来 坛师于弟子
刹那成加持 结萨埵金刚
则成持金刚 才结金刚钩
能召一切佛 欲金刚仪故
尚染等觉者 由金刚欢喜
善哉声皆喜 由结宝金刚
从佛获灌顶 由结金刚日
如佛得圆光 持金刚幢已
则满一切愿 金刚笑仪故
共诸佛等笑 持法金刚印
等同法金刚 遍持金刚剑
得慧救世者 持习金刚轮
则能转法轮 由金刚语故

金刚语成就 遍持业金刚

我今说法印 成就令清淨
于舌观金刚 能作诸事业
次说羯磨印 应结金刚拳
等引而两分 成二金刚印
次则说结缚 持作金刚指
右手安于左 此印名觉胜
能与佛菩提 不动佛触地
宝生施愿印 无量寿胜定
不空施无畏 次今当遍说
羯磨印次第 金刚萨埵等
能转金刚业 左慢右抽擲
安住持钩势 相应如射法
善哉于心住 灌顶二金刚
于心示日形 右肘住左拳
二掌及于口 左莲右开势
左心剑杀害 旋转如火轮
金刚二口散 金刚舞旋转
两颊住于顶 甲冑小指牙
二拳而相合 应以金刚慢
顶礼意战悚 系鬘口下写

旋转金刚舞 以金刚拳仪
应献烧香等 一切佛供养
分别供养印 小指互相钩
头指如上钩 如索二如锁
手背而相逼 我今说成就
金刚业作等 应羯磨金刚
于心而修习 次说羯磨印
金刚业种种 由结智拳故
能遍入佛智 由结阿閼毗
获得无倾动 由结宝生印
能摄受于他 由结法轮印
则能转法轮 由无畏胜速
施有情无畏 坚作金刚鬘
金刚萨埵乐 由金刚钩召
刹那集诸佛 金刚箭令染
尚能金刚妻 金刚喜诸佛
咸施善哉声 结大金刚宝
从师受灌顶 遍持金刚日
得如金刚日 竖金刚幢幡
则得雨宝雨 遍持金刚笑

速佛平等笑 遍持金刚花

则见金刚法 坚结金刚剑

能断一切苦 遍持金刚轮

能转于法轮 所有诸佛语

成以金刚语 金刚舞供养

尚令佛顺伏 由披金刚甲

获金刚坚实 遍持金刚牙

尚能坏金刚 金刚拳能夺

获得印成就 金刚喜得悦

金刚鬘妙色 金刚歌妙语

金刚舞令顺 以香意悦泽

以花夺一切 灯供火炽盛

金刚香妙香 金刚钩能召

金刚索能引 金刚锁令缚

金刚磬令动

我今广说一切印都结仪则。

先当金刚缚。摧拍自心。诵心真言曰。

嚩日啰满驮怛罗吒

则一切印缚。于自身口心金刚。得自在。即结金刚遍入三昧耶印。诵此心真言。

恶

则成遍阿尾舍。如亲友加持。则三昧耶印。想念大萨埵。诵此心金刚真言。

摩诃三昧耶萨怛无(无毛反)哈

由此真言。一切印皆得成就。此是一切印。成就广仪则我说都广仪则。

初结自印。结已。自印萨埵。观自身以此心真言。

三摩庾哈

则自印萨埵。观自身已。以此真言加持。

三摩耶萨怛嚩(二合)地瑟姹(二合)萨嚩(二合)[牟*含]

则然后应成就。此是成就仪则。

次说初欲求义利成就以此真言。

遏他悉地

由此真言。随意得金刚成就。

次说金刚悉地成就。以此心真言。

嚩日啰悉地

次说持明成就。以此心真言。

嚩日啰尾你耶(二合)达啰

由此随意即得持明成就。欲求最胜成就。以自印真言。当求成就。

我今说一切都自身口心金刚中。令作如金刚仪轨若印加持缓慢。若意欲解。则以此心真言。令作坚固真言曰。

唵嚩日罗(二合)萨怛嚩三摩耶么努波(引)囉耶嚩日罗萨怛嚩怛尾怒波底瑟姹捏哩泔
寐婆嚩苏都使庾寐婆嚩阿努囉羯都寐婆嚩苏布使庾寐婆嚩萨嚩悉朕寐钵啰也车萨嚩
羯摩素者寐质多室哩药矩噜吽呵呵呵呵斛(引)婆伽梵萨嚩怛他藥多嚩日啰摩弭闷遮
嚩日哩婆嚩摩诃三摩耶萨怛嚩恶(引)

由此真言。设作无间罪。谤一切如来。及方广大乘正法。一切恶作。尚得成就。一切如来印者。由金刚萨埵坚固体故。现生速疾。随乐得一切最胜成就。乃至获得如来最胜悉地。婆伽梵一切如来金刚萨埵。作如是说 我今都说一切印解脱仪则。

从彼彼出生。所有一切印。于彼彼当解。由此真言心 嚩日啰穆。

从自心。起金刚宝印。安于灌顶处。以胜指自灌顶。分手缠头系鬘。

次结甲冑以此心真言。

唵嚩日啰嚩怛那毗诘者[牟*含]萨嚩母捺罗(二合)咩捺哩(二合)握矩嚩嚩啰迦嚩制那
𑖀

被甲已。以齐掌。拍令欢喜以此心真言。

嚩日啰睹使耶斛(引)

由此心真言 解缚得欢喜

获得金刚体 如金刚萨埵

一遍诵金刚萨埵 随意爱乐住安乐

谥诵皆得速成就 如金刚手之所说

婆伽梵普贤作如是说。

金刚萨埵等萨埵 一切成就作事业

随意念诵于此中 于诸事业皆成就

真言心印及诸明 随乐修习诸理趣

于教所说及自作 皆得成就遍一切

次说四种秘密供养。应作以此金刚歌咏真言。

唵嚩日啰(二合)萨怛嚩僧𑖀啰贺嚩日啰嚩怛那么努怛𑖀嚩日啰达摩𑖀耶奈(引)嚩日
啰羯磨迦嚩婆𑖀

于曼荼罗中。以此金刚赞咏而歌。以金刚舞。以二手掌及供养花。等作供养。于外曼荼罗金刚香等。供养已。安于本处。一切随力而供养。启白一切如来。随意香等供养已。已入曼荼罗者。随力已献大曼荼罗。一切滋味饮食安乐等一切资具。令充足受用。应受与一切如来成就金刚禁戒。

此是一切佛体性住于金刚萨埵手

汝今应当而受持 金刚萨埵坚固禁

唵萨嚩怛他蕤多悉地嚩日啰三摩耶底瑟姪(二合)翳沙怛𑖀(二合)驮啰夜弭嚩日啰萨怛缚(二合)哶哶哶哶

则各各复告言。勿得说于余人。则诵誓心真言。先已入者。启白一切。如来结萨埵金刚印。从下向上解。以此真言心。

唵(引)吃哩(二合)都嚩萨嚩萨怛嚩(二合)[口*栗]他(二合)悉地捺多也他努𑖀蕤他车驮[口*梵](二合)勃驮微洒阎补那啰𑖀么那也都嚩日啰(二合)萨怛嚩(二合)穆

如是于一切曼荼罗三昧耶胜印。而作解。

金刚顶一切如来真实摄大乘现证大教王经卷下

二卷本

金刚顶一切如来真实摄大乘现证大教王经卷上

唐特进试鸿胪卿三藏沙门不空奉 诏译

深妙秘密金刚界大三昧耶修习瑜伽仪第一

稽首薄伽梵 大毗卢遮那

能为自在王 演说金刚界

无边功德法 成五解脱轮

三十七智身 我今归命礼

瑜伽大教王 开演一佛乘

如来三密藏 是乘无比喻

最上最第一 唯佛不共智

相应成佛门 为令悟入者

圆成净法身 三世薄伽梵

皆依此法成 是故诸如来

敬礼如理法 若修此法者

善住于师位 备族姓相好

调柔心正直 以戒常严身

以戒常严身 清淨无所畏

于此秘密乘 决定深信解

空有性相义 随化应

住大悲方便 引接诸群品

能令所依者 顿获如来位
已入金刚界 诸佛大坛场
生在如来家 受法王灌顶
瞻礼于圣会 不舍菩提心
恭敬阿闍黎 等同一切佛
所有言教诲 皆当尽奉行
于诸同学处 不生嫌恨心
敬如金刚手 乃至诸含识
亦不应轻恼 诸天神仙等
皆不应礼事 勿应毁陵蔑
所睹诸法具 不应故骑骞
为此大场内 诸圣所执持
亲从阿闍黎 得传教灌顶
明解三摩耶 诸正遍知道
通明广略教 瑜伽身语心
妙解曼拏啰 了真言实义
如是阿闍黎 诸佛所称赞
等同薄伽梵 大毗卢遮那
即是诸如来 金刚莲华手
虚空巧业尊 故应坚守护

本尊三昧耶 倍过于身命
常修外仪式 洗漱嚼齿木
啖豆蔻涂香 令身口香洁
不应食薰杂 酒肉诸残触
饮食离诸过 不应与他人
同床铺座卧 常洁身净服
令内外无垢 不应常爪甲
居秽违教故 内所为六根
用三密净除 外谓诸仪则
法香水灌顶 或外缘不备
即以法净除 此理趣最胜
当观念嚩字 净除内外垢
不沐而成浴 荡涤等虚空
无垢如法界 事理俱相应
如来最称赞 初起金刚定
普觉诸群品 行即如来行
坐即如来坐 诸入无言说
一音遍法界 后与大悲念
利乐尽无余 有情器世间
严净如来土 若自他建立

胜大曼拏啰 选地结坛场
如经之所说 上施妙天盖
周匝悉悬幡 瑜鬘铃佩等
间错垂供养 布散诸尊位
散时华庄严 贤妃闼伽水
烧香华涂香 灯明及饮食
金银宝器盛 及以净等
真言香水洒 复以烧香熏
陈设坛四边 谛心为供养
修行瑜伽者 每入曼拏啰
观身如普贤 足步蹈莲华
趣于精室门 闭户称吽字
怒目除不祥 即五体投地
敬礼世尊足 及一乘法僧
即长跪合掌 运心对圣众
劝请愿回向 具法者应入
金刚三摩地 字发智火 烧除虚妄因 情器等虚空
名如理作意 心如理成就
是名为法性 法安住法位
是名为法界 复加身口心

成三密三身 真言行菩萨

应当善修习 涂香遍涂手

复用烧香熏 结净器世间

寂光华藏印 即以定慧手

观念离尘法 真言如是称

唵(引)啰儒波誑怛萨嚩达摩(引)

次当净三业 观身本清净

诵此真言明 得三业皆净

净身真言曰。

唵(引)萨嚩(二合)婆嚩瓠驮萨嚩达摩萨嚩(二合)婆嚩瓠度憾

由此真言故 其身成法器

于虚空观佛 遍满如胡麻

则诵遍照明 历然见诸佛

观佛真言曰。

欠嚩日啰(二合)驮睹

警觉诸如来 檀慧相钩竖

进力二相拄 是名为起印

唵(引)嚩日啰(二合)底瑟姹(二合)吽

吽字想于心 变成五智杵

应想遍身中 所有微尘数

为金刚萨埵 金刚掌舒臂

全身委地礼 舍身遍法界

奉献阿閼尊 尽礼事诸佛

真言曰。

唵(引)萨嚩怛他誐哆一布[口*祖]播(引)萨他(二合)曩野怛摩(二合)喃(二)祢哩也(二合)
(哆野弭(三)萨嚩怛他(引)誐哆(四)嚩日啰(二合)萨怛嚩(二合)(五)地瑟姹(二合)娑嚩
(二合)[牟*含](六)吽(七)

次想怛[口*洛]字 于额金刚宝

想身为宝形 身中微尘数

想成金刚藏 全身以额礼

金刚掌于心 奉献宝生尊

想于无边刹 首持五佛冠

灌一切佛顶

真言曰。

唵(引)萨嚩怛他誐哆(一)布惹鼻晒迦野怛摩(三合)喃(二)祢哩也(二合)哆野弭(三)萨
嚩怛他誐哆(四)嚩日啰(二合)啰怛那(二合)(五)鼻晒左娑嚩(二合)[牟*含]怛[口*洛](
六)

观纒哩字于口 即想八叶莲

观身为莲华 身中微尘数

想成金刚法 全身以口礼

金刚掌于顶 奉献无量寿

遍想诸佛会 而请转法轮

真言曰。

唵(引)萨嚩怛他誑哆(一)布惹钵啰(二合)嚩哆曩野怛摩(二合)喃(二)祢哩也(二合)哆
野弭(三)萨嚩怛他誑哆(四)嚩日啰(二合)达磨(五)钵啰(二合)嚩哩哆(二合)野娑嚩(二
合)[牟*含](六)纒哩以(三合七)

阿字想于顶 变为业金刚

观身普金刚 身中微尘数

皆成金刚业 全身以顶礼

当心金刚掌 奉献不空尊

想于普集会 观金刚业身

而作大供养

真言曰。

唵(引)萨嚩怛他誑哆(一)布惹迦拏阿怛摩(二合)喃(二)祢哩也(二合)哆野弭(三)萨嚩
怛他誑哆(四)嚩日啰(二合)迦磨(五)俱嚩娑嚩(二合)[羊*含](六)阿(入声七)

次结金刚持大印 禅慧檀智反相叉

右膝著地置顶上 一一想礼如来足

舒指从顶如垂带 从心旋转如舞势

金刚合掌置顶上

真言曰。

唵(引)萨嚩怛他誑哆(一)迦野弭嚩枳唧哆(二)嚩日啰(二合)钵啰(二合)拏每(三)嚩日
啰(二合)满娜喃迦嚩弥(四)唵(引)嚩日啰(二合)吻(尾一切五)

归命十方等正觉 最胜妙法菩萨众

以身口意清净业 殷勤合掌恭敬礼

无始轮回诸有中 身口意业所生罪
如佛菩萨所忏悔 我今陈忏亦如是
诸佛菩萨行愿中 金刚三业所生福
缘觉声闻及有情 所集善根尽随喜
一切世灯坐道场 觉眼开敷照三有
我今胡跪先劝请 转于无上妙法轮
所有如来三界主 临般无余涅槃者
我皆劝请令久住 不舍悲愿救世间
忏悔劝请随喜福 愿我不失菩提心
诸佛菩萨妙众中 常为善友不厌舍
离于八难生无难 宿命住智相严身
远离愚迷具悲智 悉能满足波罗蜜
富乐丰饶生胜族 眷属广多常炽盛
四无碍辩十自在 六通诸禅悉圆满
如金刚幢及普贤 愿赞回向亦如是
行者广大愿 次应发胜心
愿一切有情 如来所称赞
世间出世间 速成胜悉地
合掌真言曰。

唵(引)萨嚩怛他誡哆(一)商悉哆(入声)萨嚩萨怛嚩(二合)喃(二)萨嚩悉驮药(三)三播

你演(二合)耽(引)怛他識哆(引)(四)室左(二合)地底瑟姹(二合)耽(去声引)(五)

摩吒于两目 应观为日月

二手金刚拳 各安于腰侧

遍视空中佛 诸佛皆欢喜

所有香华等 及余供养具

因此目瞻睹 去垢成清淨

辟除成结界

真言曰。

唵(引)嚩日啰(二合)涅哩(二合)瑟致(二合)么吒

福智二羽合 十度初分交

名为金刚掌 一切印之首

真言曰。

唵(引)嚩日啰(二合)惹礼(引)

即彼金刚掌 十度结为拳

名为金刚缚 能解结使缚

真言曰。

唵(引)嚩日啰(二合)满驮(引)

即以金刚缚 能净第八识

亦除杂染种 怛啰二合吒二字 想安于两乳 二羽金刚缚

掣开如户枢

真言曰。

唵(引)嚩日啰(二合)满驮怛啰(二合)吒(引)

即以金刚缚 禅智屈入掌

檀慧戒方间 想召无漏智

入于藏识中

真言曰。

唵(引)嚩日啰(二合)吠舍恶(引)

即以前印相 进力挂禅智

以附于心门 无漏智坚固

真言曰。

唵(引)嚩日啰(二合)母瑟致(二合)𑖀

二羽金刚缚 忍愿竖如针

才诵真言已 自身成普贤

坐于月轮上 身前观普贤

真言曰。

唵(引)三摩野萨怛𑖀(三合引)

行者次应结 大誓真实契

二羽金刚缚 檀慧禅智竖

忍愿交入掌 指面令相合

以二度刺心 名为大悲箭

以射厌离心 极喜三昧耶

警觉本誓愿

真言曰。

唵(引)三摩野斛(二合)素怛啰萨怛𑖀(三合引)

行者次应结 降三世大印

二羽忿怒拳 檀慧背钩结

进力二背竖 身想忿怒王

八臂而四面 笑怒恐怖形

四牙炽盛身 右足筯左直

踏大天及后 厉声诵真言

旋转于十方 左转为辟除

右旋成结界

真言曰。

唵(引)逊婆[寧*頁]逊婆[寧*頁]吽(一)屹哩(二合)贺拏(二合)屹哩(二合)贺拏(二合)吽(二)屹哩(二合)贺拏(二合)播野吽(三)阿曩野斛婆𑖀𑖀(四)嚩日啰(二合)吽(五)发吒(引)(六)

次结金刚莲 二羽金刚缚

檀慧禅智竖 莲华三昧耶

得成莲华部 转轮之主宰

真言曰。

唵(引)嚩日啰(二合)钵纳摩(二合)三摩野萨怛𑖀(三合引)

阿赖耶识中 违背菩提种

次结法轮印 摧破厌离轮

即前莲华印 檀慧而交竖

摧制于自心 即灭二乘种

真言曰。

吽(一)吒(引)枳(重声)娑普(二合)吒(引)野(二)摩贺尾啰誑(三)嚩日嚩(二合)嚩日啰(二合)驮啰(四)萨帝曳(五二合)囊[口*圻](敕角切)

次结大欲印 二羽金刚缚

禅入智虎口 随诵而出入

真言曰。

唵(引)素啰哆(一)嚩日嚩(二合)[口*弱]吽鑊斛(二)萨摩野萨怛鑊(二合三引)

大乐不空身 印契同于上

普愿诸有情 速证如来地

修行瑜伽者 自成大深智

菩提大欲满 圆成大悲种

真言曰。

唵(引)摩贺素佉(一)嚩日嚩(二合)娑(引)驮野(二)萨嚩萨怛吠(二合)(三)毗喻(二合)[口*弱]吽鑊(引)斛(四)

次结召罪印 二羽金刚缚

忍愿伸如针 进力屈如钩

起大悲愍心 来去而观想

召诸有情罪 自身三恶趣

众罪召入掌 黑色如云雾

众多诸鬼形

真言曰。

唵(引)萨嚩播波(一)迦[口*栗]洒(二合)拏(二)尾戍驮曩(三)嚩日啰(三合)萨怛嚩(二合)
(四)三摩野(五)吽(六)[口*弱](引)(七)

次结摧罪印 八度内相叉

忍愿如前竖 应观独钻杵

当观自身相 变成降三世

厉声诵真言 内心起慈悲

忍愿应三拍 摧诸有情罪

三恶皆辟除

真言曰。

唵(引)嚩日啰(二合)播拏(一)尾娑普(二合)吒(引)野(二)萨嚩播野满驮曩[寧*頁](三)钵
啰(二合)谟訖囉(二合)野(四)萨嚩播波誝底毗药(二合)(五)萨嚩萨怛嚩(二合)(六)萨嚩
怛他誝哆(七)嚩日啰(二合)三摩野吽(八)怛啰(二合)吒(引)(九)

次应净业障 令灭决定业

二羽金刚掌 进力屈二节

禅智押二度 结此业障除

真言曰。

唵(引)嚩日啰(二合)羯啰摩(二合)(一)尾戍驮野(二)萨嚩嚩啰拏[寧*頁](三)没驮萨帝
曳(二合)曩(四)三摩野(五)吽(六)

次成菩提心 自他令圓滿

即如蓮華契 檀慧禪智豎

安于頂之左

真言曰。

唵(引)贊捺嚕(二合)多[口*梨](一)三滿哆婆捺嚕(二合)枳囉尾(尼皆切二)摩賀嚩日哩(二合)拏(尼盈切三)吽(四)

運心諸有情 月上如來威

速成如普賢 瑜伽經所說

應結跏趺坐 支節不動搖

應結等印持 二羽金剛縛

仰安于臍下 端身勿動搖

舌拄于上腭 止息令微細

諦觀諸法性 皆由于自心

煩惱隨煩惱 蘊界諸處等

皆如幻與焰 如乾闥婆城

亦如旋火輪 又如空谷响

如是諦觀已 不見于身心

住寂滅平等 究竟真實智

即觀于空中 諸佛如胡麻

遍滿虛空界 想身證十地

住于如实际 空中诸如来
弹指而警觉 告言善男子
汝之所证处 是一道清净
金刚喻三昧 及萨般若等
尚未能证知 勿以此为足
应满足普贤 方成最正觉
身心不动摇 定中礼诸佛
真言曰。

唵(引)萨嚩怛他誡哆(一)波娜满那喃迦嚩弭

行者闻警觉 定中普礼已
唯愿诸如来 示我所行处
诸佛同告言 汝应观自心
既闻是说已 如教观自心
久住谛观察 不见自心相
复想礼佛足 白言最胜尊
我不见自心 此心为何相
诸佛咸告言 心相难测量
授与心真言 即诵彻心明
观心如月轮 若在轻雾中
如理谛观察

真言曰。

唵(引)唧哆钵啰(二合)底(一)味淡迦噜弭(二)

藏识本非染 清淨无瑕秽

长时积福智 喻若淨月轮

无体亦无事 即说亦非月

由具福智故 自心如满月

踊跃心欢喜 复白诸世尊

我已见自心 清淨如满月

离诸烦恼垢 能执所执等

诸佛皆告言 汝心本如是

为客尘所翳 菩提心为淨

汝观淨月轮 得证菩提心

授此心真言 密诵而观察

真言曰。

唵(引)冒地唧哆(一)母怛(二合)那野弭(二)

能令心月轮 圆满益明显

诸佛复告言 菩提心坚固

复受心真言 观金剛莲华

真言曰。

唵(引)速乞叉(二合)摩嚩日啰(二合引)

观五股金刚真言曰。

唵(引)底瑟姤(二合)嚩日啰(二合)

汝于净月轮 观五智金刚

令普周法界 唯一大金刚

渐广真言曰。

唵(引)娑颇(二合)嚩日啰(二合引)

渐略真言曰。

唵(引)僧贺(引)嚩日啰(二合引)

应当知自身 即为金刚界

真言曰。

唵(引)嚩日啰(二合)怛摩(二合)句憾

自身为金刚 坚实无坏

复白诸佛言 我为金刚身

时彼诸如来 便敕行者言

观身为佛形 复授此真言

唵(引)野他(引)(一)萨嚩怛他誑哆(二)萨怛(二合)他憾

既见身成佛 相好皆圆备

诸如来加持 现证实相智

不改前印相 应诵此真言

唵(引)萨嚩怛他誑哆(一)鼻三冒地涅槃(二合)唵(二)嚩日啰(二合)底瑟吒(二合)(三)

次结四如来 三昧耶印契

各以本真言 而用加持身

不动佛于心 宝生尊于额

无量寿于喉 不空成就顶

真言曰。

唵(引)嚩日啰(二合)萨怛嚩(二合)(一)地瑟姹(二合)娑嚩(二合)[羊*含](二)吽(三)

唵(引)嚩日啰(二合)啰怛曩(二合)(一)地瑟姹(二合)娑嚩(二合)[羊*含](二)怛[口*洛](二合)(三)

唵(引)嚩日啰(二合)达啰磨(二合)(一)地瑟姹(二合)娑嚩(二合)[羊*含](二)訖哩以(三合三)

唵(引)嚩日啰(二合)羯啰磨(二合)(一)地瑟姹(二合)娑嚩(二合)[羊*含](二)恶(三)

既已加持身 次应受灌顶

五如来印契 各如三昧耶

遍照灌于顶 不动佛于额

宝生尊顶右 无量寿顶后

不空成就佛 应在顶之左

真言曰。

唵(引)萨嚩怛他誑带(一)湿嚩(二合)哩也(二合)鼻嚩闍(二)鑊(三)

唵(引)嚩日啰(二合)萨怛嚩(二合)(一)鼻瑟左[羊*含](二)吽(三)

唵(引)嚩日啰(二合)啰怛曩(二合)(一)鼻瑟左[羊*含]怛[口*洛](二合二)

唵(引)嚩日啰(二合)钵纳磨(三合一)鼻瑟左[羊*含][口*訖]哩以(二)

唵(引)嚩日啰(二合)羯啰磨(二合)(一)鼻瑟左[羊*含](二)恶(三)

次应灌顶后 应系如来鬘

四方诸如来 皆三昧耶契

额前二羽分 三结于顶后

向前如垂带 先从檀慧开

真言曰。

唵(引)嚩日啰(二合)驮怛唎(二合)(一)摩攞鼻诃左[羊*含]𑖀

唵(引)嚩日啰(二合)萨怛嚩(二合)(一)摩攞鼻诃左[羊*含]𑖀

唵(引)嚩日啰(二合)啰怛曩(二合)(一)摩攞鼻诃左[羊*含]𑖀

唵(引)嚩日啰(二合)钵纳磨(二合)(一)摩攞鼻诃左[羊*含]𑖀

唵(引)嚩日啰(二合)羯啰磨(二合)(一)摩攞鼻诃左[羊*含]𑖀

次于诸有情 当兴大悲心

无尽生死中 恒被大誓甲

为净佛国土 降伏诸天魔

成最正觉故 被如来甲冑

二羽金刚拳 当心舒进力

二度相萦绕 心背次两膝

脐腰心两肩 喉颈额又顶

各各三旋绕 徐徐前下垂

先从檀慧散 印能护一切

天魔不能坏

真言曰。

唵(引)砢

次应金刚拍 平掌而三拍

由此印威力 缚解解者缚

便成坚固甲 圣众皆欢喜

获得金刚体 如金刚萨埵

真言曰。

唵(引)嚩日啰(二合)睹史野(二合)斛(入声)

次结现智身 二羽金刚缚

禅智入于掌 身前想月轮

于中观本尊 谛观于相好

遍入金刚已 本印如仪则

身前当应结 思惟大萨埵

真言曰。

唵(引)嚩日啰(二合)萨怛嚩(二合)恶

次结见智身 印契如前相

见彼智萨埵 应观于自身

钩召引入嚩 令喜作成就

真言曰。

唵(引)嚩日啰(二合)萨怛嚩(二合)涅槃(二合)舍也(二合)

次结四明印 召引入自身

印如降三世 屈进初如钩

次进力互交 仍屈头相拄

次互相钩结 次腕合而振

由此四明印 召引缚令喜

真言曰。

[口*弱]吽鑊斛

次陈三摩耶 当结金刚缚

忍愿竖如针 成本尊瑜伽

诵三摩耶萨怛鑊(三合) 遍入背后而月轮

于中应观萨埵体 我三昧耶萨怛鑊

真言曰。

唵(引)三摩庾唵(一)摩贺(引)三摩庾唵(二)

次成就法界 奉事诸如来

有情器世间 净妙为佛土

胜上智观察 内外无所有

三世等虚空 观念欠字门 次发智风轮

憾字相应起

当观轮围山 剑字宝严饰 又于虚空观

鑊字遍照尊

大悲流乳水 成香乳大海

海中观钵啰(二合)字

字门成金龟 其身之广大

无量喻若曩 背观[口*紇]哩(二合)字 变为妙莲华

八叶有三层 赤色具台蕊

皆悉有光明 台中观素字 出妙高山王

四宝之所成 四层及四峰

七金山围绕 山间复有海

皆八功德水 瑜伽者观念

了了悉分明

欠憾剑鑊钵啰(二合)[口*紇]哩以(三合)素

成就海真言。

唵(引)尾摩路(引)娜地吽

成就山真言。

唵(引)阿左啰吽

于妙高山顶 观佛法界宫

五智之所成 五峰宝楼阁

净妙超诸界 种种胜庄严

即结金刚轮 轮坛之密印

由此印威力 则成诸轮坛

二羽金刚拳 进力檀慧钩

于中现观想 轮坛如来教

即于宝阁中 而观曼拏啰

真言曰。

唵(引)嚩日啰(二合)作羯啰(二合)吽

次应诵启请 不改前印相

想白诸圣众 降此曼拏啰

启请真言曰。

野便焰(二合)[寧*頁](一)尾觀曩(一合)娑作羯啰(二合)悉第(二)写哆亩鼻嚩[口*梨](三)嚩日啰(二合)俱拏[口*梨]系睹(四)毗焰(二合)哆毗焰(二合)摩(五)娑睹(二合)萨娜曩莫(入声六)

次结开门印 想开大檀门

二羽金刚拳 檀慧应相钩

进力竖侧合 每门诵真言

应吽而掣开

从东而右转 每方面向门

若方所小狭 即于观想中

运心如本教

真言曰。

唵(引)嚩日啰(二合)娜嚩(二合)嚧(一)唵娜伽(二合)吒野(二)三摩野(三)钵啰(二合)吠

舍野(四)吽(五)

次结启请印 启白诸世尊

二羽金刚缚 忍愿应竖合

进力屈如钩 中后而不著

称名而启请 三唱此伽陀

真言曰。

阿演(去声)睹萨吠步嚩(一)乃迦娑(引)[口*洛]钵啰(二合)拏(二)弭哆势沙迦(三)菟(敕句切)啰摩[口*洛](三合)萨乞叉(二合)怛訖哩(三合)怛(四)曩跢娑嚩(五)娑嚩(二合)娑嚩(入声六)娑嚩(二合)焰步(七)毛曩哆娑嚩娑嚩(二合)娑嚩(入声八)

次观佛海会 诸圣普云集

交臂作弹指 指声遍法界

真言曰。

唵(引)嚩日啰(二合)三摩惹[口*弱](入声重)

诸如来集会 皆在于虚空

诵百八名赞 礼曼拏圣众

赞叹真言曰。

嚩日啰(二合)萨怛嚩(二合)(一)摩贺萨怛嚩(二合)(二)嚩日啰(二合)萨嚩怛他誑哆(三)三满跢娑(引)奈啰(二合)(四)嚩日啰(二合)你也(二合)(五)嚩日啰(二合)播拏(六)曩谟(引)娑睹(二合)帝(七)

嚩日啰(二合)啰惹(一)素没驮誑哩也(三合二)嚩日啰(二合)俱(上声)舍(三)怛他(引)誑哆(四)阿谟(引)佉啰惹(五)嚩日啰(二合)你也(二合)(六)嚩日啰(二合)迦啰沙(二合)(七)曩谟(引)娑睹(二合)帝(八)

嚩日啰(二合)啰誑(一)摩贺(引)燥企也(二合)(二)嚩日啰(二合)嚩拏嚩(三)商迦啰(四)

摩啰迦摩(五)贺囉日啰(二合)(六)左播(七)曩谟(引)娑睹(二合)帝(八)

囉日啰(二合)娑(引)度(一)素囉日啰(二合)誡哩也(二合)(二)囉日啰(二合)睹瑟[齒*來](二合)(三)摩贺囉帝(四)钵啰(二合)谟(引)你也(二合)啰惹(五)囉日啰(二合)你也(二合)(六)囉日啰(二合)贺囉沙(二合)(七)曩谟(引)娑睹(二合)帝(八)

囉日啰(二合)囉怛曩(二合)(一)素囉日啰(二合)囉他(二合)(二)囉日啰(二合)迦舍(三)摩贺(引)摩拏(四)阿迦舍誡婆(五)囉日啰(二合)茶也(二合)(六)囉日啰(二合)誡婆(七)曩谟(引)娑睹(二合)帝(八)

囉日啰(二合)帝惹(一)摩贺(引)入囉(二合)囉(二)囉日啰(二合)素哩也(二合)(三)喏曩钵啰(二合)婆(四)囉日啰(二合)囉湿弭(二合)(五)摩贺帝惹(六)囉日啰(二合)钵啰(二合)婆(七)曩谟(引)娑睹(二合)帝(八)

囉日啰(二合)计睹(一)素萨怛囉(二合)囉他(二合)(二)囉日啰特囉(二合)惹(三)素妒洒迦(四)囉怛曩(二合)计睹(五)摩贺囉日啰(二合)(六)囉日啰(二合)拽瑟[齒*來](二合)(七)曩谟(引)娑睹(二合)帝(八)

囉日啰(二合)贺娑(一)摩贺贺娑(二)囉日啰(二合)悉弭哆(三)摩贺(引)纳部(二合)哆必哩(二合)底(四)钵啰(二合)谟(引)你也(二合)啰惹(五)囉日啰(二合)你也(二合)(六)囉日啰(二合)毕哩(二合)帝(七)曩谟(引)娑睹(二合)帝(八)

囉日啰(二合)达啰磨(二合)(一)素萨怛囉(二合)囉他(二合)(二)囉日啰(二合)钵捺摩(二合)(三)素戍达迦(四)路计湿囉(二合)囉(五)素囉日啰(二合)乞叉(二合)(六)囉日啰(二合)宁怛囉(二合)(七)曩谟(引)娑睹(二合)帝(八)

囉日啰(二合)底乞叉拏(三合一)摩贺野曩(二)囉日啰(二合)句舍(三)摩贺(引)庾驮(四)曼祖室哩(二合)(五)囉日啰(二合)俨鼻哩也(二合)(六)囉日啰(二合)没第(七)曩谟率睹帝(八)

囉日啰(二合)系睹(一)摩贺(引)曼拏(二)囉日啰(二合)左(引)羯啰(二合)(三)摩贺曩野(四)素钵啰(二合)囉怛曩(二合)(五)囉日噜(二合)怛他(六)囉日啰(二合)曼拏(七)曩谟(引)娑睹(二合)帝(八)

囉日啰(二合)婆洒(一)素尾你也(二合)誡哩也(三合二)囉日啰(二合)惹播(三)素悉帝那阿囉者(引)(四)囉日啰(二合)尾你也(二合)(五)誡哩也(三合六)囉日啰(二合)婆洒(七)曩谟(引)娑睹(二合)帝(八)

囉日啰(二合)羯磨(一)素囉日啰(二合)惹拏(二合)(二)羯磨囉日啰(二合)(三)素萨囉誡

啰(二合)(四)嚩日啰(二合)谟佉(五)摩护那哩也(二合)(六)嚩日啰(二合)尾湿嚩(二合)(七)那谟(引)娑睹(二合)帝(八)

嚩日啰(二合)啰乞叉(二合)(一)摩贺吠哩也(二合)(二)嚩日啰(二合)嚩摩(转三)摩贺涅哩(二合)唎(去声四)讷欲驮曩(五)素尾哩也(二合)誡哩也(三合六)嚩日啰(二合)尾哩也(二合)(七)曩谟(引)娑睹(二合)帝(八)

嚩日啰(二合)药乞叉(二合)(一)摩护播野(二)嚩日啰(二合)能瑟吒啰(二合)(三)摩贺婆野(四)摩啰钵啰(二合)摩[口*栗]你(二合)(五)嚩日噜(二合)誡哩也(二合)(六)嚩日啰(二合)赞拏(七)那谟(引)娑睹(二合)帝(八)

嚩日啰(二合)散第(一)素萨[寧*頁]地也(二合)(二)嚩日啰(二合)满驮(三)钵啰(二合)谟(引)左迦(四)嚩日啰(二合)母瑟吒野(二合)(五)誡啰(二合)萨摩琰(六)嚩日啰(二合)母瑟[齒*來](二合)(七)曩谟(引)娑睹(二合)帝(八)

次结四明印 印如降三世

钩屈进度招 索进力如环

锁开腕相钩 铃合腕似振

各诵本真言

真言曰。

嚩日啰(二合)矩舍[口*弱]

嚩日啰(二合)播舍吽

嚩日啰(二合)娑普(二合)吒𑖀

嚩日啰(二合)吠舍阿(入声)

次应金刚拍 令圣众欢喜

真言曰。

唵(引)嚩日啰(二合)哆啰睹史也(二合)斛(入声)

次入平等智 捧阌伽香水

想浴诸圣身 当得灌顶地

真言曰。

唵(引)嚩日啰(二合)娜迦咤吽

曩莫三满多没驮喃(一)誚誚曩(二)娑摩娑摩(三)娑嚩(二合)贺(引)(四)

次结振铃印 右杵左振铃

心入声解脱 观照般若理

真言曰。

唵(引)嚩日啰(二合)播拏吽

唵(引)嚩日啰(二合)健吒睹瑟也(二合)斛(入声引)

金刚顶一切如来真实摄大乘现证大教王经卷上

金刚顶一切如来真实摄大乘现证大教王经卷下

唐特进试鸿胪卿三藏沙门不空奉 诏译

金刚界大曼拏啰毗卢遮那一切如来族秘密心地印真言羯磨部第二

稽首薄伽梵 大毗卢遮那

能为自在王 演说金刚界

羯磨诸仪则 印契及真言

供养诸如来 次结羯磨印

于心而修习 谛观心月轮

而有羯磨杵 应结金刚拳

等引而两分 右羽金刚拳

以握力之端 左拳安于脐

右羽垂触地 左拳如前相

右羽为施愿 二羽仰相叉

进力竖相背 弹指横其端

左拳复安脐 右羽施无畏

是五如来契

彼彼真言曰。

唵(引)嚩日啰(二合)驮睹𑖀

唵(引)阿屈𑖀(二合)毗野(二合)𑖀

唵(引)啰怛曩(二合)三婆嚩怛[口*洛](二合)

唵(引)路计湿嚩(二合)啰啰(引)惹纇哩以(三合)

唵(引)阿谟佉悉第恶

次当结羯磨 四波罗蜜契

各如本佛印 而诵于真言

彼彼真言曰。

唵(引)萨怛嚩(二合)嚩日哩(二合)吽

唵(引)啰怛曩(二合)嚩日哩(二合)怛[口*洛](二合)

唵(引)达啰摩(二合)嚩日哩(二合)纇哩以(三合)

唵(引)羯啰磨(二合)嚩日哩(二合)恶

次结十六尊 羯磨契之仪

右拳安腰侧 右羽搯掷杵

二拳交抱胸 进力钩以招

二拳如射法 当心作弹指

进力如宝形 于心旋日轮

右肘挂左拳 二拳口仰散

左莲右开势 左手想持华

右手如把剑 覆拳进力挂

于脐而平转 并至口仰散

先从禅智舒 旋舞心两颊

金刚掌于顶 二拳被甲冑

进力檀慧互 二拳而相合

十六大士印 内外八供养

并及于四护 印相今当说

二拳各腰侧 向左小低头

二拳以系鬘 从额顶后散

二拳侧相合 从脐至口散

二拳如舞仪 旋转掌于顶

以金刚掌仪 烧香等四印

以降三世印 钩索等四摄

并拳向下散 仰散如捧献

禅智竖如针 开掌涂于胸

进屈如钩形 进力曲相捻

二度便相钩 合腕微摇动

彼彼真言曰。

唵(引)嚩日啰(二合)萨怛嚩(二合)恶

唵(引)嚩日啰(二合)啰惹[口*弱]

唵(引)嚩日啰(二合)啰誡斛(入声)

唵(引)嚩日啰(二合)娑度索

唵(引)嚩日啰(二合)啰怛曩(二合)唵

唵(引)嚩日啰(二合)帝惹暗(引)

唵(引)嚩日啰(二合)计睹𑖀(二合)

唵(引)嚩日啰(二合)贺娑𑖀(入声)

唵(引)嚩日啰(二合)达磨訖哩以(三合)

唵(引)嚩日啰(二合)底乞叉拏(三合)淡

唵(引)嚩日啰(二合)系睹[羊*含](引)

唵(引)嚩日啰(二合)婆洒𑖀

唵(引)嚩日啰(二合)羯磨𑖀

唵(引)嚩日啰(二合)[口*洛]乞叉(二合)𑖀

唵(引)嚩日啰(二合)药乞叉(二合)𑖀

唵(引)嚩日啰(二合)散地𑖀

唵(引)嚩日啰(二合)啰细𑖀

唵(引)嚩日啰(二合)摩利怛𑖀(二合)吒(引)

唵(引)嚩日啰(二合)拟帝拟(入声)

唵(引)嚩日啰(二合)涅哩(二合)帝曳(二合)訖哩(二合)吒(引)

唵(引)嚩日啰(二合)度闭𑖀

唵(引)嚩日啰(二合)补涩闭(二合)唵

唵(引)嚩日啰(二合)路计溺

唵(引)嚩日啰(二合)𑖀第虐

唵(引)嚩日啰(二合)矩舍[口*弱]

唵(引)嚩日啰(二合)播舍𑖀

唵(引)嚩日啰(二合)娑普(二合)吒(引)鑢

唵(引)嚩日啰(二合)吠舍斛(入声)

右心左按地 绕轮坛四面

各一称真言 安立贤劫位

真言曰。

吽(引)吽(短)

贤劫千如来 十六大名称

先画弥勒尊 次明不空见

一切灭恶趣 离一切忧暗

香象勇猛尊 虚空藏智幢

无量光月光 贤护光网尊

次画金刚藏 无尽慧辩积

普贤大光明 及余上首尊

最初置阿字 或书十六名 金刚智种子

圣天之仪轨 依教而安立

地居空行天 巧智善安布

诸尊悉地相 次第应当明

彼彼真言曰。

唵(引)昧怛哩(二合)野娑嚩(二合)贺(引)

唵(引)阿目佉娜[口*栗]舍(二合)曩野娑嚩(二合)贺(引)

唵(引)萨嚩播野惹憾娑嚩(二合)贺

唵(引)嚩驮贺悉底(二合)娑嚩(二合)贺(引)

唵(引)戌啰野娑嚩(二合)贺(引)

唵(引)阿迦舍誡啰婆(二合)娑嚩(二合)贺(引)

唵(引)誡惹(二合)曩计妒娑嚩(二合)贺(引)

唵(引)阿弭哆钵啰(二合)婆娑嚩(二合)贺(引)

唵(引)赞捺啰(二合)(二合)钵啰(二合)婆娑嚩(二合)贺(引)

唵(引)娑捺啰(二合)播啰娑嚩(二合)贺(引)

唵(引)入嚩(二合)攞[寧*頁]钵啰(二合)娑吽娑嚩(二合)贺(引)

唵(引)嚩日啰(二合)萨啰婆(二合)娑嚩(二合)贺(引)

唵(引)阿乞叉(二合)摩底娑嚩(二合)贺(引)

唵(引)三满哆娑捺攞(二合)野娑嚩(二合)贺(引)

金刚界大曼拏啰毗卢遮那一切如来族秘密心地印真言三昧耶部第三

尔时薄伽梵 大毗卢遮那

能为自在王 演说金刚界

三昧之仪轨 次结三昧耶

于舌观金刚 先合金刚掌

便成金刚缚 忍愿如剑形

进力附于背 忍愿竖如针

及屈如宝形 移屈如莲叶

面合于掌中 檀慧禅智合

是为五佛印

彼彼真言曰。

嚩日啰(二合)惹拏(二合)喃婀(去声)

嚩日啰(二合)惹拏(二合)喃吽

嚩日啰(二合)惹拏(二合)喃怛[口*洛](二合)

嚩日啰(二合)惹拏(二合)喃恶

次结三昧耶 四波罗蜜契

各如佛之契 别别诵真言

彼彼真言曰。

嚩日啰(二合)室哩(二合)吽

嚩日啰(二合)娇哩怛嚩

嚩日啰(二合)哆啰纇哩以(三合)

佉嚩日哩(二合)拈斛

次结十六尊 八供养四摄

三昧耶印契 忍愿竖如针

小大斗而竖 次以金刚缚

进力屈如钩 因钩便交竖

不解缚弹指 大竖次反屈

不改大与次 舒六而旋转

前二亦不改 中缚下四幢

不易前印相 反开散于口

由缚禅智竖 进力屈如莲

由缚竖忍愿 屈上节如剑

忍愿从入缚 四竖五竖交

由缚进力莲 禅智开偃附

六度叉而覆 大各捻小甲

进力针当心 进力檀慧开

小竖进力钩 缚大捻小根

进力拄其背 缚偃竖禅智

此印展当额 从脐口仰散

旋舞掌于顶 由缚而下散

从缚仰开献 由缚禅智针

解缚摩于胸 由缚进力钩

禅入智虎口 上四交如环

禅智入掌摇 四印而一缚

别别诵真言

彼彼真言曰。

三摩野萨怛𑖀(三合) 阿曩野萨怛缚(三合) 阿斛素佉 娑度娑度 素摩贺怛𑖀(三合)
噜补你庾(二合)哆 阿他钵啰(二合)底 贺贺贺吽郝 萨嚩迦哩 耨佉砌娜 没驮冒地
钵啰(二合)底舍左娜(二合) 素嚩始怛𑖀(二合) [寧*頁][口*栗]婆(二合)野怛𑖀(二合)

设咄嚕(二合)薄乞叉(二合)萨嚩悉地 摩贺啰底 嚕播戍陞
戍嚕(二合)怛啰(二合)娑佉也(二合) 萨缚布[口*爾] 钵啰(二合)贺攞(二合)祢[寧*頁]
跋攞戢弭 素帝惹拟哩(二合) 素嚩驮拟(入声) 阿野醯[口*弱] 阿醯吽吽
娑娑普(二合)吒𑖀 佉吒恶恶(入声)

金刚界大曼拏啰毗卢遮那一切如来族秘密心地印真言供养部第四

敬礼毗卢尊 能为自在王

演说供养部 供养诸如来

次结供养契 应结金刚缚

印相从心起 初结遍照尊

羯磨之印仪

真言曰。

唵(引)萨嚩怛他戢哆(一)嚩日啰(二合)驮怛唎(二合)(二)弩哆啰布惹(三)娑颇(二合)啰
拏(二合)(四)三摩曳(五)吽

次结金刚萨埵羯磨印 触地手。

唵(引)萨嚩怛他戢哆(一)嚩日啰(二合)萨怛嚩(二合)(二)弩哆啰布惹(三)娑颇(二合)啰
拏(四)三摩曳(五)吽(六)

次结金刚宝羯磨印 施愿手。

唵(引)萨嚩怛他戢哆(一)嚩日啰(二合)啰怛曩(二合)(二)弩路啰布惹(三)娑颇(二合)啰
拏(四)三摩曳(五)吽(六)

次结金刚法羯磨印 法定手。

唵(引)萨嚩怛他戢哆(一)嚩日啰(二合)达啰摩(二合)(二)弩路啰布惹(三)娑颇(二合)啰
拏(四)三摩曳(五)吽(六)

次结金刚业羯磨印 最上手。

唵(引)萨嚩怛他誡哆(一)嚩日啰(二合)迦啰磨(二合)(二)弩哆啰布惹(三)娑颇(二合)啰拏(四)三摩曳(五)吽(六)

次心上金刚缚密语曰 入嚩手十六。

唵(引)萨嚩怛他誡哆(一)萨嚩怛磨(二合)[寧*頁]哩也(二合)哆曩(二)布惹娑颇(二合)啰拏(三)迦啰磨(二合)嚩日哩(二合)(四)恶(五)

右胁密语曰。

唵(引)萨嚩怛他誡哆(一)萨嚩怛摩(二合)[寧*頁]哩也(二合)怛曩(二)娑度迦啰(三)布惹娑颇(二合)啰拏(四)迦啰磨(二合)睹瑟致(二合)(五)索(六)

额上密语曰。

唵(引)曩莫萨嚩怛他誡哆(一)鼻晒迦(二)啰怛宁(二合)毗喻(二合)(三)嚩日啰(二合)摩拏唵(引)(四)

心上旋转如日轮转相密语曰。

唵(引)曩莫萨嚩怛他誡哆(一)舍播哩布啰拏(二)唧路摩拏(三)驮嚩(二合)惹诣哩(二合)毗喻(二合)(四)嚩日啰(二合)驮嚩(二合)惹(五)拟哩(二合)怛览(二合引)(六)

口上笑处解散密语曰。

唵(引)曩莫萨嚩怛他誡哆(一)摩贺必哩(二合)底(二)钵啰(二合)谟你也(二合)迦[口*梨]毗喻(二合)(三)嚩日啰(二合)贺细郝(四)

口上密语曰。

唵(引)萨嚩怛他誡哆(一)嚩日啰(二合)达啰磨(二合)(二)哆三摩地僻(三)萨睹(二合)弩弭(四)摩贺达啰磨(二合)(五)拟哩(二合)纒哩以(三合六)

右耳密语曰。

唵(引)萨嚩怛他誡哆(一)钵啰(二合)惹拏(二合)播啰弭哆(二)鼻[寧*頁]啰贺[口*束*頁](三)萨睹(二合)弩弭(四)摩贺具洒弩猊淡(五)

左耳密语曰。

唵(引)萨嚩怛他誡哆(一)作羯啰(二合)乞叉(二合)啰(二)播哩嚩[口*栗]哆(二合)曩(三)萨嚩素怛览(二合)(四)怛曩野曳(五)萨睹(二合)弩弭(六)萨嚩曼拏啰吽(七)

顶后密语曰。

唵(引)萨嚩怛他誡哆(一)散驮薄洒(二)没驮僧拟底鼻誡喃(三)萨睹(二合)弩弭(四)嚩日啰(二合)嚩际作(五)

香顶上密语曰。

唵(引)萨嚩怛他誡哆(一)度播铭伽三母捺啰(二合)(二)娑颇(二合)啰拏(三)布惹迦啰弭(二合)(四)迦啰迦啰(入声引)(五)

华右肩上密语曰。

唵(引)萨嚩怛他誡哆(一)补瑟跛(二合)钵啰(二合)摩啰(二)娑颇(二合)啰拏(三)布惹羯啰弭(二合)(四)枳哩枳哩(五)

灯右跨上密语曰。

唵(引)萨嚩怛他誡哆(一)路迦入嚩(二合)啰(二)娑颇(二合)啰拏(三)布惹羯啰弭(二合)(四)婆啰婆啰(五)

涂复置心上密语曰。

唵(引)萨嚩怛他誡哆(一)彦驮铭伽三母捺啰(二合)(二)娑颇(二合)啰拏(三)布惹羯啰弭(二合)(四)俱噜俱噜(五)

次结散华契 观察于十方

言我今劝请 诸佛转法轮

复应作是念 今此赡部洲

及于十方界 人天意生华

水陆所有华 皆持献十方

一切大萨埵 部中诸眷属

契明密诸天 我为普供养

一切诸如来 而作事业故

密语曰。

唵(引)萨嚩怛他誡哆(一)补瑟波(二合)布惹铭伽(二)三母捺啰(二合)(三)娑颇(二合)啰拏(四)三摩曳吽(五)

又结烧香契 而作是思惟

人天本体香 和合变易香

如来羯磨故 我今皆奉献

密语曰。

唵(引)萨嚩怛他誡哆(一)嚩驮布惹铭伽(二)三母捺啰(二合)(三)娑颇(二合)啰拏(四)三摩曳吽(五)

次结灯契已 而作是思惟

人天本体生 及差别光明

为作事业故 我今皆奉献

密语曰。

唵(引)萨嚩怛他誡哆(一)你播布惹铭伽(二)三母捺啰(二合)(三)娑颇(二合)啰拏(四)三摩曳吽(五)

三昧耶宝契 应作如是念

此界及余界 宝山诸宝类

地中及海中 彼皆为供养

如来羯磨故 我今皆奉献

当诵此密语

密言曰。

唵(引)萨嚩怛他誡哆(一)冒[亭*夜]焰(二合)誡嚩怛曩(二合)梭(去声)迦嚩(二)布惹铭伽三母捺嚩(二合)(三)娑颇(二合)嚩拏三摩曳吽(四)

次结嬉戏契 应作是思惟

人天之所有 种种诸戏弄

玩笑妓乐具 皆为供养佛

而作事业故 我今当奉献

缚大捻小根 进力拄其背

密语曰。

唵(引)萨嚩怛他誡哆(一)贺写嚩写(二)枳哩(二合)弩嚩底(三)扫企也(二合)弩路嚩(四)布惹铭伽三母捺嚩(二合)(五)娑颇(二合)嚩拏三摩曳吽(六)

萨埵三昧耶 应作是思惟

如是劫树等 能与种种衣

严身资具者 彼皆为供养

而作事业故 我今当奉献

诵此秘密言

密言曰。

唵(引)萨嚩怛他誡哆(一)弩哆嚩嚩日嚩(二合)播摩三摩地(二)娑嚩曩播曩(三)部惹曩嚩娑曩(四)布惹铭伽三母捺嚩(二合)(五)娑颇(二合)嚩拏三摩曳吽(六)

羯磨三昧耶 而作是思惟

于虚空藏中 所有诸如来

我为承事故 想一一佛前

而皆有己身 以亲近侍奉

当诵此密语

真言曰。

唵萨嚩怛他誑哆(一)迦野[寧*頁]哩也(二合)哆曩(二)布惹铭伽三母捺啰(二合)(三)娑
颇(二合)啰拏三摩曳吽

达磨三昧耶 而作是思惟

我今即此身 与诸菩萨等

观得法实性 平等无有异

既作无有异 而诵此密言

密语曰。

唵(引)萨嚩怛他誑哆(一)唧路[寧*頁]哩也(二合)怛曩(二)布惹铭伽三母捺啰(二合)(三)
)娑颇(二合)啰拏三摩曳吽

宝幢三昧耶 应观生死中

一切众生类 苦恼之所缠

深生哀愍故 我今为救护

并护菩提心 未度者令度

未安者令安 皆令得涅槃

及雨种种宝 所求令满足

作是思惟已 而诵此密言

密语曰。

唵(引)萨嚩怛他誡哆(一)摩贺嚩日嚩(二合)娜婆(二合)嚩娜曩(二)播啰弭哆(三)布惹
铭伽三母捺啰(四)娑颇(二合)啰拏三摩曳吽

次结香身契 三昧耶涂香

而作是思惟 愿一切众生

三业诸不善 愿悉皆远离

一切诸善法 愿悉皆成就

而诵此密言

密语曰。

唵(引)萨嚩怛他誡哆(一)弩路啰摩贺冒地也(二合)贺啰迦(二)试攞播啰弭哆(三)布惹
铭伽三母捺啰(二合)(四)娑颇(二合)啰拏三摩曳吽

结羯磨触地 复应作是念

愿一切众生 慈心无恼害

远离诸怖畏 相视心欢喜

诸相好庄严 成甚深法藏

当诵此真言

密语曰。

唵(引)萨嚩怛他誡哆(一)弩路啰摩贺达啰磨(二合)嚩冒达(二)乞产(二合)底播啰弭哆(三)
布惹铭伽三母捺啰(二合)(四)娑颇(二合)啰拏三摩曳吽

斗胜精进契 三昧耶甲冑

而作是思惟 愿一切众生

行菩萨行者 被坚固甲冑

密语曰。

唵(引)萨嚩怛他誡哆(一)僧娑啰播哩底也(二合)誡弩哆啰(二)摩贺尾哩也(二合)播啰弭哆(三)布惹铭伽三母捺啰(二合)(四)娑颇(二合)啰拏三摩曳吽

结三摩地契 华方佛羯磨

应作是思惟 愿一切众生

调伏于烦恼 随烦恼冤仇

获甚深禅定 而诵此密语

密语曰。

唵(引)萨嚩怛他誡哆(一)弩路啰摩贺扫企也(二合)尾贺啰(二)地也(二合)曩播啰弭哆(三)布惹铭伽三母捺啰(二合)(四)娑颇(二合)啰拏三摩曳吽

次结遍照尊 羯磨胜契已

而作是思惟 愿一切众生

成就五种明 世间出世间

智慧普成就 而得真实见

除烦恼障智 辩才无畏等

佛法严其心 而诵此密语

密语曰。

唵(引)萨嚩怛他誡哆(一)弩哆啰枳礼(二合)舍惹拏(二合)野(二)嚩啰拏嚩娑曩(三)尾曩野曩(四)摩贺钵啰(二合)惹拏(二合)播啰弭哆(五)布惹铭伽三母捺啰(二合)(六)娑颇(二合)啰拏三摩曳吽

胜上三摩地 印契次应结

二羽外相叉 禅智令相捻

仰安于怀中 应作是思惟

证法真实性 空无相无作

诸法悉如是 观已诵密言

密语曰。

唵(引)萨嚩怛他誑哆(一)虞(上声)醯野(二合)摩贺钵啰(二合)底播底(二)布惹铭伽三母捺啰(二合)(三)娑颇(二合)啰拏三摩曳吽

次应合指爪 而作是思惟

二羽金刚缚 进力禅智口

我今出语言 愿一切众生

悉皆令得闻 诵此秘密言

密言曰。

唵(引)萨嚩怛他誑哆(一)嚩枳也(二合)[寧*頁]哩也(二合)怛曩(二)布惹铭伽三母捺啰(二合)(三)娑颇(二合)啰拏三摩曳吽

如是广作佛事已 次应谛心为念诵

众会眷属自围绕 住于圆寂大镜智

当结金刚三昧耶 而诵金刚百字明

次诵金刚萨埵明 三遍五遍或七遍

真言曰。

唵(引)嚩日啰(二合)萨怛嚩(二合)三摩野(一)摩弩播囉野(二)嚩日啰(二合)萨怛嚩(二合)怛味(二合)(三)弩播底瑟姹(二合)(四)涅哩(二合)唎铭婆嚩(五)素妒瑟欲(二合)铭婆嚩(六)阿努啰訖妒(二合)铭婆嚩(七)素布瑟欲(二合)铭婆嚩(八)萨嚩悉朕铭(九)娑

嚩钵啰(二合)野瑳(十)萨嚩羯磨素(十一)左铭唧哆室哩(二合)药俱嚩(十二)吽(十三)
贺(引)贺贺斛(十四)婆誑鏖(十五)萨嚩怛他(引)誑哆(十六)嚩日啰(二合)摩铭闷左(
重声十七)嚩日啰(二合)婆嚩(十八)摩贺(引)三摩野(十九)萨怛嚩(二合)恶(二十)

次应捧珠鬘 诵真言七遍

复以加持句 如法而加持

端坐如仪则 应以金刚语

一千或一百 随意而念诵

真言曰。

唵(引)嚩日啰(二合)萨怛嚩

二羽捧珠鬘 本真言七遍

捧至顶及心 千转以加持

真言曰。

唵(引)嚩日啰(二合)虞醯野(二合)惹播三摩曳吽

既加持珠已 住等引而诵

不极动舌端 唇齿二俱合

成就诸密教 金刚语离声

循身观相好 四时不令间

百千是为限 又复应过是

神通及福智 见世同萨埵

念诵分限毕 捧珠发大愿

结三摩地契 入法界三昧

行者出三昧 即结根本印

念本明七遍 复结八供养

以妙音赞叹 献闍伽香水

以降三世印 左旋而解界

次结三昧拳 一诵而掣开

次结羯磨拳 三诵三开手

从彼彼出生 所有一切印

于彼彼当解 由此真言心

真言曰。

唵(引)嚩日啰(二合)穆乞叉(二合)穆(入声)

次结奉送印 二羽金刚缚

忍愿如莲叶 指端安时华

诵已而上掷 为奉送圣众

真言曰。

唵(引)讠哩(二合)妒嚩(入声一)萨嚩萨怛嚩(二合)(二)啰他(二合)悉第娜(二合)(三)哆
野他(四)弩誡孽瑳驮鏖(二合)(五)没驮尾洒野(六)布曩啰誡(七)摩曩野睹(八)唵(引)嚩
日啰(二合)萨怛嚩(二合)(九)目乞叉(二合)目(入声一)

次当结宝印 二羽金刚缚

进力如宝形 禅智亦复然

印相从心起 安于灌顶处

分手如系鬘 次结甲冑印

真言曰。

唵(引)嚩日啰(二合)啰怛曩(二合)(一)鼻诃左[牟*含](二)萨嚩母娜嚩(二合)铭(三)涅槃
(二合)稚俱噜(四)嚩日啰(二合)迦嚩左曩𑖀(五)唵(引)砧

次结被甲已 齐掌而三拍

令圣众欢喜 以此心真言

解缚得欢喜 获得金刚体

真言曰。

唵(引)嚩日啰(二合)睹瑟野(二合)斛(入声)

奉送圣众已 当结加持契

诵明加四处 灌顶被甲胄

又为拍印仪 如前礼四佛

忏悔并发愿 然后依闲静

严饰以香华 住于三摩地

读诵大乘典 随意任经行

金刚顶一切如来真实摄大乘现证大教王经卷下